

晉

書

料

注

晉書斟注卷四

錢塘吳士鑑

同注

烏程劉承幹

帝紀第四

惠帝

孝惠皇帝諱衷字正度武帝第二子也泰始三年立爲皇太子時年九歲太熙元年四月己酉武帝崩是日皇太子卽皇帝位大赦改元爲永熙尊皇后楊氏曰皇太后立妃賈氏爲皇后夏五月辛未葬武皇帝於峻陽陵景子增天下位一等預喪事者二等復租調一年二千

石已上皆封關中侯以太尉楊駿爲太傅輔政秋八月
壬午立廣陵王遹爲皇太子以中書監何劭爲太子太
師吏部尙書王戎爲太子太傅衛將軍楊濟爲太子太
保遣南中郎將石崇射聲校尉胡奕長水校尉趙俊揚
烈將軍趙歡將屯兵四出冬十月辛酉以司空石鑒爲
太尉前鎮西將軍隴西王泰爲司空

永平元年春正月乙酉朔

廿二史攷異十八日按年號當以後改者爲定是年正月

詔改永熙二年爲永平元年其三月誅太傅楊駿等大赦改元以諸志參校之蓋改永平爲元康也永平紀元僅二月餘元康紀元乃有九年其不應書永平審矣又史書改元之例凡年號已冠於年首者不更書如武帝紀咸寧元年春正月戊午朔大赦改元太康元年三月乙酉大赦改元不云改元咸寧改元太康也若一歲頻

改元者則以後改之元冠於年首而不更書其餘則書以別之如惠帝紀永興元年春正月改元永安七月改元建武冬十一月留臺改元復爲永安十二月大赦改元不云改永興者已冠年首故也今此年於正月改元則書永平三月改元不書元康正與永興元年之例相合可證古本亦必以元康冠年首校書家不知而妄改爾臨朝不設樂詔曰朕夙遭不造淹恤在疚賴祖宗遺靈宰輔忠賢得以眇身託于羣后之上昧於大道不明于訓戰戰兢兢夕惕若厲乃者哀迷之際三事股肱惟社稷之重率遵翼室之典猶欲長奉先皇之制是以有永熙之號然日月踰邁已涉新年開元易紀禮之舊章其改永熙二年爲永平元年通典五十五博士徐禪議曰案惠帝起居注改永熙二年爲永平元年使持節太尉石鑒告於太廟又詔子弟及羣官竝不得謁陵

景午皇太子冠

案通典五十六引王堪冠禮儀云永平元年正月戊子冠與本紀異景午為正

月二十二日次日即為丁未若戊子則正月四日也疑通典所引有誤

丁未見于太廟二

月甲寅賜王公已下帛各有差癸酉鎮南將軍楚王瑋

鎮東將軍淮南王允來朝戊寅復置祕書監官

書鈔五十七王

隱晉書曰惠帝永平元年詔曰祕書綜理經籍考核古今課試署吏須四百人宜專其事然後精詳中書自有職事務相連統攝寺事付丞理必未盡其後責祕書監也

月辛卯誅太傅楊駿駿弟衛將軍瑤太子太保濟

御覽五百

五十一晉公卿禮秩曰楊駿誅賜五木棺一具載以官路車案楊駿傳弟珣歷位尚書令衛將軍荀勗傳云使楊珣參輔東宮張軌傳亦云衛將軍珣職官志太子詹事楊珣是瑤為珣之誤惟珣傳失載為太子詹事太子太保本傳作中護軍張劭

魏志張範傳曰範弟承字公太子太傅先趙郡太守太祖將西征徵

承參軍事注魏書曰承孫邵晉中護軍散騎常侍段廣

與舅楊駿俱被誅案劭與邵傳寫偶誤

讀史舉正曰案左下少一軍字

河南尹李斌中書令

楊邈左將軍劉預

魏志諸葛誕傳注晉諸公贊曰東安公諸葛誕外孫欲殺俟因誅楊

駿誣俟謀逆遂夷三族御覽二百七十五千寶晉紀曰

文淑為東夷校尉姿器膂力萬人之雄御覽七百七十

五晉諸公讚曰文叔破虜之後名聞天下當為東夷校尉入辭世祖見而惡之恐居邊不信密諷監司奏

叔陽造四望車僭飾過制免官案文淑此時被誅已在免官後尚書武茂皆夷三族壬

辰大赦改元賈后矯詔廢皇太后為庶人徙于金墉城

文選晉紀總論注千寶晉紀曰遷太后楊氏於永寧宮

策廢為庶人居於金墉城水經穀水注曰穀水又東逕

金墉城北注魏明帝於洛陽城西北角築之謂之金墉城起層樓於東北隅晉宮閣名曰金墉有崇天堂即其

地上架木為榭故白樓矣南曰乾光門東曰含春門北有暹門城上西面列觀五十步一睥睨屋臺置一鐘以

和漏鼓西北連廡
函蔭墉比廣榭

告于天地宗廟誅太后母龐氏壬寅

徵大司馬汝南王亮爲太宰與太保衛瓘輔政以秦王

東爲大將軍東平王楸爲撫軍大將軍鎮南將軍楚王

瑋爲衛將軍領北軍中候下邳王晃爲尙書令東安公

繇爲尙書左僕射

周家祿校勘記曰右誤左繇爲左僕射在永康初

進封東安

王督將侯者千八十一人庚戌免東安王繇及東平王

楸繇徙帶方夏四月癸亥以征東將軍梁王彤爲征西

大將軍

本傳征東作安東

都督關西諸軍事太子少傅阮坦爲

平東將軍

魏志杜畿傳注阮氏譜曰武父諡字士信杜氏新書曰武字文業清河太守武弟炳字叔

文河南尹炳子坦字弘舒晉太子少傅平東將軍

監青徐二州諸軍事己巳以

太子太傅王戎爲尙書右僕射五月甲戌毗陵王軌薨
讀史舉正曰案上正月乙酉朔是月不當有此日廿二
史攷異十八日按武十三王傳毗陵悼王軌年二歲而
天太康十年十一月追加封諡以楚王瑋子義嗣又武帝紀太
康十年十一月立始平王子儀爲毗陵王楚王瑋初封
始平王儀與義古字相通卽一人也壬午除天下戶調
軌之薨不當在惠帝時紀殆誤矣

縣絹賜孝悌高年鰥寡力田者帛人三匹六月賈后矯

詔使楚王瑋殺太宰汝南王亮太保菑陽公衛瓘

全晉文注

曰案瑋傳似此詔乙丑以瑋擅害亮瓘殺之曲赦洛陽

賈后逼帝爲之

以廣陵王師劉實爲太子太保司空隴西王泰錄尙書
事秋七月分揚州荊州十郡爲江州八月庚申以趙王
倫爲征東將軍都督徐兗二州諸軍事河閒王顒爲北

中郎將鎮鄴太子太師何劭爲都督豫州諸軍事鎮許

昌徙長沙王父爲常山王己巳進西陽公彥爵爲王

廿二

史攷異十八日按地理志西陽縣屬弋陽郡別無西陽郡之名蓋志之漏也以彥傳攷之元康初永由西陽縣公進封郡王惠帝還洛以汝南期思西陵益其國永嘉初復以邾斬春益之期思西陵邾斬春四縣元屬弋陽則西陽卽弋陽所分矣而傳以期思西陵繫之汝南是此二縣又嘗改隸汝南亦志所不載也成帝咸和初彥降爲弋陽縣王而西陽國除爲郡紀傳所載西陽太守有蔣異樊峻鄧嶽曹據何元度桓沖桓嗣孟懷王徐湛

諸人辛未立隴西世子越爲東海王九月甲午大將軍秦

王柬薨辛丑徵征西大將軍梁王彤爲衛將軍錄尚書

事以趙王倫爲征西大將軍都督雍梁二州諸軍事冬

十二月辛酉京師地震是歲東夷十七國南夷二十四

部竝詣校尉內附

二年春二月己酉賈后弑皇太后于金墉城秋八月壬子大赦九月乙酉中山王琬薨冬十一月大疫是歲沛國雨雹傷麥

三年夏四月滎陽雨雹六月弘農郡雨雹深三尺晉書校文

一日五行志尚有湖冬十月太原王泓薨廿二史攷異

城華陰不僅弘農原王輔傳子宏立元康中為散騎常侍後徙封中邱王

三年薨以紀證之則太原未有徙封之事而名亦互異此必有一誤矣高密王泰傳封隴西王改封高密而惠

帝紀元康九年仍書隴西王泰薨亦紀傳抵牾之證四年春正月丁酉朔侍中太尉安昌公石鑒薨諸史攷

石鑒傳封昌安縣侯元康初為太尉尋薨未嘗進爵為公案以石勘石定二墓碣證之均作昌安元公與本紀

同惟紀誤作安昌耳洪夏五月蜀郡山移淮南壽春洪氏信傳而不信紀非是

水出山崩地陷壞城府及百姓廬舍匈奴郝散反攻上黨殺長吏六月壽春地大震死者二十餘家上庸郡山崩殺二十餘人秋八月赦散帥眾降馮翊都尉殺之上谷居庸上庸竝地陷裂水泉涌出人有死者大饑九月景辰赦諸州之遭地災者甲午枉矢東北竟天

晉書校文一日

丙辰至甲午相去三十九日並繫於九月必有一誤是歲京師及郡國八地震

晉書

校文一日據五行志是年地凡六震此八字殆六之譌

五年夏四月彗星見于西方孛于奎至軒轅六月金城地震東海雨雹深五寸秋七月下邳暴風壞廬舍九月

代之寶

晉書曰

元康三年武庫火是計工匠引欲是盜物而恐殺罪殺刀口掘字燬

著麻膏

內火
三
爲
三
二
一
吳
以
五
志
登
之
是
年
蓋
十
月

案王書

三年爲五年之誤以五行志證之是年蓋致此

置問又

案博物志云武帝泰始中武庫火積油所致此

文疑是

後人竄入故有此誤張華十二月景戌新作武

身臨其

境不應言武帝始中也

車大調

兵器丹楊雨雹
五月行志
都作雨十二
月有石生于京

風

丹陽隱晉書曰洛陽宮西宜秋

師宜年

里書門東一百六
壁十王隱晉中書始高三尺如香爐

衫 丁 各 全

門東向南壁石生地中如西陽門內有是

形行路

人多祗事之案洛陽仇藍詩一秋西陽門一所誤是

延年里

疑卽譚時之宜年里恤宜年宜利必有一言

歲荆揚

充豫青徐等六州大水詔遣御史巡行振貸

方邦才

王隱晉書曰惠帝元康

六年春

正月大赦
初學記二月十三日南郊大赦天下

司空下邳王晃薨以中書監張華爲司空太尉隴西王
泰爲尙書令衛將軍梁王彤爲太子太保丁丑地震三
月東海隕霜傷桑麥彭城呂縣有流血東西百餘步夏
四月大風五月荆揚二州大水匈奴郝散弟度元帥馮
翊北地馬蘭羌盧水胡反攻北地太守張損死之文選馬汧
督誅注傳暢晉諸公讚曰惠帝元康五年武庫火北地
盧水胡蘭羌因此爲亂武庫火在五年北地華陽國志
入曰關中氐及馬蘭羌反寇天水略陽扶風始平武都
陰平發梁州及東羌鎮西討之不克益州遣牙門馬元
尹方挾援之以鹿車運成都米給軍糧又曰汶山興樂
縣黃石北地盧水胡成豚堅安角成明石等與廣柔平
康文降劉紫利羌有讎遂與犛蝟羌邈逢等數千騎劫
縣令求助討紫利太守楊邠撻殺豚堅而降其餘類餘
類遂叛馮翊太守歐陽建與度元戰建敗績徵征西大
殺長吏馮翊太守歐陽建與度元戰建敗績徵征西大

將軍趙王倫爲車騎將軍以太子太保梁王彤爲征西
大將軍都督雍梁二州諸軍事鎮關中秋八月雍州刺
史解系又爲度元所破秦雍氐羌悉叛推氏帥齊萬年
僭號稱帝圍涇陽文選關中詩馬泝督誄注王隱晉書
日齊萬年帥羌胡圍涇陽讀史方輿
紀要五十八日涇陽城在平涼府西南冬十月乙未曲赦雍涼二州讀史
舉正
日案涼當爲秦時秦雍氐反故救之以散其黨與涼州無與也十一月景子遣安西將
軍夏侯俊建威將軍周處等討萬年周處傳作夏侯駿
文選關中詩馬泝
督誄注王隱晉書日遣安西將軍夏侯駿西討
氐羌又日以處忠烈欲遣討氐拜建威將軍
屯好畤關中饑大疫

七年春正月癸丑周處及齊萬年戰於六陌王師敗績

處死之

周處傳曰與振威將軍盧播雍州刺史解系攻萬年於六陌遂力戰而沒讀史方輿紀要五十

三日六陌舊志云在馬嵬坡西

夏五月魯國雨雹秋七月雍梁州疫大

旱隕霜

五行志大旱隕霜條下均作秦雍二州案本紀誤為雍梁

殺秋稼關中饑米

斛萬錢詔骨肉相賣者不禁丁丑司徒京陵公王渾薨

九月以尙書右僕射王戎爲司徒太子太師何劭爲尙

書左僕射

晉書校文一曰右僕射當作左僕射戎遷司徒故劭代之戎劭傳可證

八年春正月景辰地震詔發倉廩振雍州饑人三月壬

戌大赦夏五月郊禘石破爲二

書鈔一百六十一王隱晉書曰元口六年五月癸

卯禘石破中解化二段御覽十三八百七十六晉雜事曰元康七年霹靂破城南高禘石高禘中宮求子之象也賈后將誅之應又五百二十九束皙高禘壇石議曰元康六年高禘壇上石破爲二段詔書問置此石來幾

時出何經典令應復不博士議禮無高祿置石之文未
知造設所由既已毀破無可改造昔高辛氏有簡狄吞
卵之祥今此石有吞卵之象蓋俗說所爲而史籍無記
但可收聚復於舊處而已太常以爲吞卵之言蓋是逸
俗之失義因令毀破便宜廢除下四府博士議賊曹屬
束皙議夫未詳其置之故而欲必其可除之理理不可
然按郊祀志秦漢不祀高祿漢武帝五子傳武帝晚得
太子始郊爲立祿其事未之能審隋書禮儀志二束皙議
曰許慎五經異義云山陽民祭皆以石爲主然則石之
爲主由來尙矣其此象矣而祭禮龜策祭器弊則埋之
而改置新石今破則宜埋而更造不宜遂廢收集破石
積之故處于禮無依于事不肅愚所未安也通典五十
五束皙議以爲石在壇上蓋主道也禮祭器弊則埋而
置新今宜埋而更造不宜遂廢後得高堂隆故事詔更
鑄石如舊置高祿壇上埋破石入地一丈案王隱晉書
及束皙議均作六年隋書禮志二通典五十五並同晉
雜事作七年與本紀作八秋九月荆豫揚徐冀等五州
年者均異殊儲伍
大水雍州有年非漢中一郡所能振贍蜀有倉儲人復

豐稔宜令就食考異云華陽國志三十國晉春秋皆云八年特就穀入蜀似就食之事當在七年秋關中饑後至八年秋則有年非本紀誤也

九年春正月左積弩將軍孟觀伐氏戰于中亭大破之

獲齊萬年

水經河水注曰扶風美陽縣有中亭水亦謂之中亭川在美陽縣西文選關中詩注王隱

晉書曰初夏侯駿上言斬氏帥齊萬年及孟觀至大戰數十生送萬年書鈔一百四晉雜事曰元康中氏酋齊萬年等上書求依漢魏事鐵券請降案萬年蓋徵征西有求降之意及孟觀與之大戰遂生獲之也

大將軍梁王彤錄尚書事以北中郎將河閒王頤爲鎮

西將軍鎮關中成都王穎爲鎮北大將軍鎮鄴夏四月

鄴人張承基等妖言署置聚黨數千郡縣逮捕皆伏誅

六月戊戌太尉隴西王泰薨

案高密文獻王泰傳於遷太尉後改封高密王此仍

書隲西王誤秋八月以尚書裴頤為尚書僕射裴頤本

僕射魏志裴潛傳注引荀綽冀州冬十一月甲子朔日裴頤本

有蝕之京師大風發屋折木十二月壬戌廢皇太子遹

為庶人及其三子幽于金墉城殺太子母謝氏

永康元年春正月癸亥朔大赦改元己卯日有蝕之廿

史攷異十八日按上書正月癸亥朔則己卯為月之十

七日必無日蝕之理恐傳寫錯亂耳天文志亦與此同

讀史舉正日己卯書景子皇孫庶卒愍懷太子二月丁

酉大風飛沙拔木三月尉氏雨血妖星見于南方癸未

賈后矯詔害庶人遹于許昌夏四月辛卯日有蝕之五行

志辛卯下有癸巳梁王彤趙王倫矯詔廢賈后為庶人司

空張華尙書僕射裴頠皆遇害侍中賈謐及黨與數十

人皆伏誅

御覽九百四十五晉書曰惠帝時洛陽南山有宦作聲曰韓屍識者以爲韓氏將屍戮俄

而韓謐被誅案本書賈謐傳及五行志皆無此語當是佚晉書文而御覽脫去撰人也甲午倫矯

詔大赦自爲相國都督中外諸軍如宣文輔魏故事追

復故皇太子位丁酉以梁王彤爲太宰左光祿大夫何

劭爲司徒右光祿大夫劉寔爲司空淮南王允爲驃騎

將軍己亥趙王倫矯詔害賈庶人于金墉城五月己巳

立皇孫臧爲皇太孫

五行志中作四月愍懷太子傳作四月己巳

尙爲襄陽

王六月壬寅葬愍懷太子于顯平陵撫軍將軍清河王

遐薨癸卯震崇陽陵標

京房易飛候曰雷雨霹靂邱陵者逆先人令案是年三月愍懷

太子爲賈秋八月淮南王允舉兵討趙王倫不剋允及

其二子秦王郁漢王迪皆遇害秦武十三王傳曰允三子皆被害齊王岡上表

亦云并害三子是郁迪之外尚曲赦洛陽平東將軍彭

城王植薨改封吳王晏爲賓徒縣王以齊王岡爲平東

將軍鎮許昌光祿大夫陳準爲太尉錄尚書事九月改

司徒爲丞相以梁王彤爲之冬十月黃霧四塞十一月

戊午大風飛沙石六日乃止甲子立皇后羊氏大赦大

酺三日十二月彗星見于東方益州刺史趙廞與洛陽

流人李庠害成都內史耿勝犍爲太守李密汶山太守

霍固西夷校尉陳總據成都反華陽國志八曰元康六年以楊烈將軍趙廞爲

益州刺史加折衝將軍八年廕至州雖崇簡約而性實
奢泰略陽天水六郡民李特及弟庠闔式趙肅何巨李
遠等及氏叟青叟數萬家以郡土連年軍荒就穀入漢
川詔書不聽入蜀益州勅關禁之而戶曹李苾開關放
入蜀布散梁州及三蜀界冬西夷校尉西平麴炳表出
軍遣牙門將孫眺爲督護萬人征之戰於常安大爲胡
所破九年炳以敗軍徵還晉繡夏用江夏太守陳總爲
代胡退散永康元年詔徵刺史折衝將軍因廕所服佩
史中山耿滕爲益州刺史折衝將軍廕所服佩初廕
以晉政衰而趙星黃占曰星黃者王陰懷異計蜀士四
塞可以自安乃傾倉賑施流民以收衆心以李特弟庠
衛六郡人勇壯厚卹遇之流民恃此專爲劫盜蜀民患
之滕數密表流民剛愎而蜀人懦弱客主不能相饒宜
移還其本土不與東三郡隘地觀其情態漸不可長
將移秦雍之禍於梁益矣又言倉庫虛竭無以應鋒鏑
之急必益聖朝西顧之憂由是廕惡滕州被詔募庠黨
文武士千餘人迎滕大敗於廣漢宣化亭殺傳詔者滕
羅安王利等劫滕大敗於廣漢宣化亭殺傳詔者滕議
欲入州城通鑑趙興和賊劉驥日深入城必有入大
功曹陳恂諫曰今州郡並治兵怨構日深入城必有入大

禍不如安住少城檄諸縣合村保以備秦氏陳西夷行
至且觀其變不爾可退住健爲西渡江原以防非常滕
不從冬十有二月滕入城登西門廡遣親近代茂取滕
茂告之而去廡又遣兵討滕廡購千金孟不出廡尋敗
左雄負滕子奇依民宋孟藏廡請滕死喪廡義而
不得免郡吏皆竄走惟陳恂面縛詣廡請滕之廡又遣軍逆
陳總也恂與戶曹掾常傲共備棺槨葬之廡進曰今州郡不
協必生大變惟當速行府是兵要助順討逆莫有動者
也總更緣道遲留至南安魚涪津以與廡軍遇模白總
散財貨募士卒距戰若克州則州可得不克順流而
退必無害也總不能更日趙益州悉耿侯故殺之與吾
無嫌何爲如此模曰今州起事必當立威雖不戰無益
也言至垂涕總不聽眾弛總逃草中模衣總服格戰廡
兵殺模見非總乃搜求總殺之廡自稱大燭頭犢將
軍益州牧以武陽令蜀郡杜淑別駕張粲巴西張龜西
夷司馬襲尼江原令健爲費遠等爲左右長史司馬參
軍徒健爲太守李庠爲威寇將軍召臨邛令涪陵許弁
爲牙門將召諸王官莫敢不往又以廣漢太守張徵
詰儼劍將汶山太守楊邠成都令費立爲軍祭酒時庠

與兄麟輔弟流驥妹壻李含天水任回上官品扶風李
攀始平費他氏符成隗部董勝等四干騎在北門廐使
庠斷北道庠素東羌東得曉軍陳等不用麾志舉牙爲行
伍庠勸稱大號漢庠部下放攪廐等忌之遂於會所斬
庠及其兄子宏等十餘人慮特等爲變又命爲督將安
慰其軍還特庠喪其夜特流徹眾散歸縣竹廐遣故陰
平令張衡外遷費恕就綏納皆爲特所殺又曰廐字和
叔本巴西安漢人也祖世隨張魯內移家趙趙王倫器
之歷長安令天門武陵太守來臨州通鑑晉紀考異曰
按華陽國志鍵爲太守李苾汶山太守楊邠非密固也
蓋紀誤諸史攷異曰洛陽當爲略陽李特載記耿勝作
耿勝永康元年詔徵益州刺史趙廐爲大長秋以成都
內史耿勝代廐廐遂謀叛廐率眾入州廐遣眾逆勝戰
於西門勝敗死之特弟庠與兄及妹夫李含等以四
千騎歸廐廐以庠爲威寇將軍害耿勝庠未預其事水
經伊水注王隱晉書曰惠帝使校尉陳總仲元詣洛陽
山請雨總盡除小祀惟存大石而祈之七日大雨又初
學記五御覽五十一王隱晉書曰陳總遷殿中侍御史
詔遣詣終南山請雨總先除小石祠惟存大石一所而
祈之上文曰峩峩大石佐岳通理含滋吐潤惠我四海

案三書同引王隱而其文大異總請雨事當在未至成都之前蓋由殿中侍御史出為校尉也

永寧元年春正月乙丑趙王倫篡帝位景寅遷帝于金

墉城號曰太上皇改金墉曰永昌宮

文選晉紀總論注
臧榮緒晉書曰惠

帝永寧二年禪位於趙王倫倫以兵留守衛上號曰太上皇改金墉曰永昌宮案二年為元年之誤廢皇

太孫臧為濮陽王五星經天縱橫無常

文選晉紀總論
注臧榮緒晉書

日中書令穆播云太史案
星幾事當有免官天子

癸酉倫害濮陽王臧略陽流

人李特殺趙廋傳首京師三月平東將軍齊王同起兵

以討倫

晉書校文一日據同傳時為鎮東大將軍故下
癸亥詔文有鎮東大將軍同語此處不應仍稱

平傳檄州郡屯于陽翟征北大將軍成都王穎征西大

將軍河間王顒

晉書校文一日據顒傳未曾為征西常
大將軍非紀文有誤則傳失書也

山王又豫州刺史李毅

晉書校文一日時豫州刺史爲

鯽鮒此紀豫

兗州刺史王彥南中郎將新野公故皆舉

兵應之眾數十萬倫遣其將閭和出伊闕張泓孫輔出

塢坂以距同

廿二史攷異十八日按齊王同傳倫遣其

等率兵七千自延壽關出張泓閭和等率九千人自孫

會士猗許超出黃橋以距穎及穎將趙驤石超戰于淝

水會等大敗棄軍走閭月景戌朔日有蝕之夏四月歲

星晝見同將何助盧播擊張泓於陽翟大破之斬孫輔

等

讀史舉正曰案梁王彤傳有盧

辛酉左衛將軍王興

與尙書淮陵王濯

晉書校文一日攷濯傳以廢倫功由

許倫時郎書尙書准
陵王蓋以後蒙前

勒兵入宮禽倫黨孫秀孫會許超

士猗駱休等皆斬之逐倫歸第卽日乘輿反正羣臣頓

首謝罪帝曰非諸卿之過也癸亥詔曰朕以不德纂承

皇統遠不能光濟大業靖綏四方近不能開

梁肅

明刑威

式遏姦宄至使逆臣孫秀敢肆凶虐窺聞王室遂奉趙

王倫養據天位鎮東大將軍齊王冏征北大將軍成都

王穎征西大將軍河間王顒並以明德茂親忠規允著

首建大策匡救國難尙書灌其立大謀左衛將軍王與

興羣公卿士協同謀略親勒本營斬秀及其二子前趙

王倫爲秀所誤與其子等已詣金墉迎朕幽宮旋軫聞

閻豈在予一人獨饗其慶宗廟社稷實有賴焉於是大赦改元孤寡賜穀五斛大酺五日誅趙王倫義陽王威九門侯質等及倫之黨與書鈔一百三十一千寶晉紀曰義陽王威附趙王倫倫篡位使義陽王威奪王璽上執威強爭毀上指及乘與反正詔誅威曰奪吾璽者正此人也五月立襄陽王尙爲皇太孫六月戊辰大赦增吏位二等復封賓徒王晏爲吳王庚午東萊王蕤左衛將軍王與謀廢齊王同事泄蕤廢爲庶人與伏誅夷三族甲戌以齊王冏爲大司馬都督中外諸軍事成都王穎爲大將軍錄尙書事河閒王顥爲太尉罷丞相復置司徒官己卯以梁王彤爲太宰領司徒封齊王冏功臣葛旟牟平公路季

小黃公衛毅平陰公

齊王同傳路季作路秀平陰作陰平

劉真安鄉公韓

泰封王公秋七月甲午立吳王晏子國為漢王

案武十三王傳

國作固此為誤文

復封常山王又為長沙王八月大赦戊辰原

徙邊者益州刺史羅尙討羌破之

華陽國志八曰尙至州治汶山羌反於都

安之天拔山遣王敦討之殺數千人

大己巳徙南平王

沒女弱為生口敦單馬馳為羌所殺

按吳王晏傳子祥嗣

祥為宜都王

廿二史攷異十八曰按吳王晏傳子祥嗣淮南王允其初封南平改封宜都傳俱不

載下邳王韡薨以東平王懋為平東將軍都督徐州諸

軍事

案懋當從武木紀及本傳東海王越傳作振

九月追東安王繇復其爵

丁丑封楚王瑋子範為襄陽王

讀史舉正曰案上閏三月丙戌朔推之丁丑當

在八冬十月流人李特反於蜀十二月司空何劭薨封

齊王同子冰爲樂安王英爲濟陽王超爲淮南王齊王同傳

作淮陵是歲郡國十二旱晉書校文一曰五行志是年白夏及秋青徐幽并四州旱

王超十二月郡國又不備十六蝗

太安元年春正月庚子安東將軍譙王隨薨三月癸卯

赦司冀兗豫四州皇太孫尙薨夏四月彗星晝見五月

乙酉侍中太宰領司徒梁王彤薨以右光祿大夫劉寔

爲太傅太尉河間王顒遣將衙博擊李特於蜀爲特所

敗通鑑晉紀注曰姓譜秦穆公子食采於衙因氏焉特遂陷梓潼巴西害廣漢

太守張微自號大將軍李特載記癸卯以清河王遐子

覃爲皇太子賜孤寡帛大酺五日御覽一百四十九王隱晉書曰惠帝永嘉

二年立清河王覃爲皇太子案是年以齊王冏爲太師
已改元太安王隱作永寧二年非是
通鑑晉紀作太子太師周濟晉略曰本紀脫太子字通
典二十日晉初以景帝諱師故置太宰以代太師之名
晉書惠帝太安元年以齊王冏東海王越爲司空秋七
爲太師當時撰述者之誤也

月兗豫徐冀等四州大水冬十月地震十二月丁卯河
閒王顒表齊王冏窺伺神器有無君之心與成都王穎
新野王歆范陽王虓同會洛陽請廢冏還第長沙王乂
奉乘輿屯南止車門攻冏殺之幽其諸子于金墉城廢
冏弟北海王寔天文志下作又殺其兄上軍將軍寔以
云三子裴贊寔而不言冏爲第幾子惟寔旣爲裴贊之
弟則冏亦爲其兄本紀作冏弟不誤志作其兄寔誤也
紀但言廢不言大赦改元以長沙王乂爲太尉都督中
殺與志亦互異

外諸軍事

通鑑晉紀考異曰晉春秋二年顯穎起兵乃以又為太尉都督以討之讀史舉正曰案是

時成都王遙執朝政又未應都督中外又顯尚為太尉又不應更為太尉晉春秋在二年七月通鑑從之封

東萊侯蕤子炤為齊王

周家祿校勘記曰案本傳蕤以東萊王降封微陽侯齊王盄誅

復封據本爵當云東萊王即據降封亦當云微陽侯不得錯舉云東萊侯也

二年春正月甲子朔赦五歲刑三月李特攻陷益州荆

州刺史宋岱擊特斬之傳首京師夏四月特子雄復據

益州

通鑑晉紀宋作宗晉書校文一日特為羅尚所殺尚傳及載記華陽國志蜀錄十一覽二所載並同

移屬宋岱誤讀史舉正曰案特死弟流立流死雄始得益州

五月義陽蠻張昌舉兵

反以山都人王沈為主改姓劉氏偽號漢建元神鳳

御覽

三百二十八抱朴子外篇餘本曰太安二年小民張昌反於荊州奉劉尼為漢主

攻破郡縣南

陽太守劉彬平南將軍羊伊鎮南大將軍新野王歆並

遇害六月遣荊州刺史劉弘等討張昌于方城王師敗

績東晉疆域志曰葉縣有方城案弘本傳云率前將軍趙驤等討昌自方城至宛新野所向皆平不言戰敗

與本紀不合秋七月中書令卞粹侍中馮蓀河南尹李含等

貳於長沙王又疑而害之世說賞譽篇上曰洛中鍾

晉後略曰播字友聲長樂人位至大宗正生蓀入王故事曰蓀少以才悟識當世之宜蚤歷清職仕至侍中為

長沙王張昌陷江南諸郡武陵太守賈隆零陵太守孔

紘豫章太守閻濟武昌太守劉根皆遇害昌別帥石冰

寇揚州御覽五十二丹陽記曰湖熟縣晉惠帝永嘉三

觀咸日石來明年果有石冰入揚州案永嘉止一年其

年之明年丹
陽記蓋誤
刺史陳徽與戰大敗諸郡盡沒臨淮人封

雲舉兵應之自阜陵寇徐州
讀史舉正曰案阜陵今全椒縣東南去徐州遠疑誤

八月河間王顥成都王穎舉兵討長沙王又帝以又爲

大都督帥軍禦之庚申劉弘及張昌戰於清水斬之水經

涓水注曰鎮南將軍劉弘遣牙門皮初與張昌戰於清

水昌敗追斬於江渚讀史舉正曰案昌傳在明年秋通鑑據弘斬張顥遣其將張方穎遣其將陸機牽秀石超

奕表從本傳
等來逼京師
御覽七百六十七晉起居注曰成都王使

課京師屋瓦皆裂又入百二十八晉後記曰成都王圍

京邑城中魚肉無出營巷賣死驢馬肉雜死人肉賣之

又九百七十六晉書衛字後略曰成都王乙丑帝幸十

三里橋
讀史方輿紀要四十八曰十三里橋在河遣將

南府東曰洛陽故城西至橋十三里因名

軍皇甫商距方于宜陽己巳帝旋軍于宣武場洛陽伽藍記五

日中朝時宣武場大夏門東北今為光風園首舊生水

經注大夏門東宣武觀憑城結構南望天淵池北賜宣

武場是也太平寰宇記三日庚午舍于石樓東晉疆域志曰石樓

宣武場魏明帝鬪猛獸處天中裂無雲而雷九月丁丑帝次于河橋初

驛在故洛城東北壬午皇甫商為張方所敗甲申帝軍

記七引王隱晉書于芒山丁亥幸偃師辛卯舍于豆田讀史方輿紀要四十八曰豆田壁在

故洛城東胡氏曰榮洛間有麻癸巳尚書右僕射興晉

田豆田大抵因人所種藝而名侯羊玄之卒晉書校文一日侯帝旋于城東景申進軍

侯羊玄之卒當從玄之傳作公緱氏擊牽秀走之大赦張方入京城燒清明開陽二門

死者萬計石超逼乘輿于緱氏冬十月壬寅帝旋于宮

石超焚緱氏服御無遺丁未破牽秀范陽王虓于東陽

門外讀史舉正曰案成都河開二王戊申破陸機于建

春門石超走斬其大將賈崇等十六人懸首銅駝街類聚

九十四洛中記曰有銅駝二枚在宮之南四會道頭高

九尺頭似羊頭身似馬有肉鞍兩箇相對御覽一百五

十八陸機洛陽記曰洛陽有銅駝陌上集少年又一百九

語曰金馬門外集眾賢銅駝陌上集少年又一百九

五華氏洛陽記曰兩銅駝在宮之南街東西相對高九

尺漢時所謂銅駝街在洛陽宮南金馬門外又九百一

陸翽鄴中記曰二銅駝如馬形長一丈高一丈足如牛

尾長二尺脊如馬鞍在中陽門外夾道相向水經穀水

注曰渠水又枝分夾路南出逕太尉司徒兩坊間謂之

銅駝街注魏明帝置銅駝諸獸于閭闔南街陸機云駝

高九尺脊出張方退屯十三里橋晉書校文一曰方傳

太尉坊者也

則作駝十一月辛巳星晝隕聲如雷王師攻方壘不利

水橋西

方決千金竭水確皆涸水經穀水注河南十二縣境簿

竭洛陽記曰千金竭舊堰穀水魏時更修此堰謂之千

金竭積石爲竭而開溝渠五所謂之五龍渠渠上立竭

竭之東首立一石人石人腹上刻勒云太和五年二月

八日庚戌造逮於晉世大水暴注溝瀆泄壞又廣功焉

御覽七十三戴延之西征記曰金澧谷三水合處有千

金竭卽魏陳思王所立引水東灌民今賴之又地理書

曰穀水出爲湖溝置千金以堰之洛陽伽藍記四曰長

分橋西有千金堰計其水利日益千金因以爲名昔都

水使者陳勰所造今乃發王公奴婢手春給兵廩一品

備夫一千歲恒修之

已下不從征者男子十三以上皆從役又發奴助兵號

爲四部司馬公私窮蹙米石萬錢詔命所至一城而已

壬寅夜赤氣竟天隱隱有聲景辰地震周家祿校勘記

氣竟天地震皆作十二月計壬寅距上辛巳二十一日

猶可在一月之內若景辰乃在三十日外若下癸亥甲

子乃在四十日外尚可在一月癸亥東海王越執長沙之內乎王寅上當補十二月

王父幽於金墉城尋爲張方所害通鑑晉紀考異曰三十國晉春秋云太安

二年十二月殺父案本紀於十一月辛巳下接書王寅景辰癸亥諸日而脫去十二月三字以是年正月甲子

朔推之知王寅景辰癸亥皆十二月也惟父本傳云父以正月二十五日廢二十七日死似父之死乃在永興

元年故通鑑不從本紀而從父傳改列于永興元年正月周濟晉略謂父傳武帝崩父年十五死年二十八正

太安二年甲子大赦景寅揚州秀才周玘前南平內史王矩前吳興內史顧祕起義軍以討石冰周家祿校勘記

及周玘傳皆作太守案職官志諸王國以內史掌太守之任然則王國內史得稱太守以其本太守職也郡太

守不得稱內史以其非王國不得改太守本稱也本書內史太守往往歧出其郡守誤稱內史者宜一律改正

附例於此冰退自臨淮趣壽陽征東將軍劉準遣廣陵後不悉校

後不悉校

度支陳敏擊冰李雄自郫城攻益州刺史羅尙尙委城而遁雄盡有成都之地封鮮卑段勿塵爲遼西公

王浚段匹

碑傳均作務勿塵

永興元年春正月景午尙書令樂廣卒成都王穎自鄴諷于帝乃大赦改元爲永安帝逼于河間王顒密詔雍州刺史劉沈秦州刺史皇甫重以討之沈舉兵攻長安爲顒所敗

讀史舉正曰案通鑑此事入太安二年十一月

此張方大掠洛中還長

安於是軍中大餒人相食以成都王穎爲丞相穎遣從

事中郎成夔等以兵五萬屯十二城門

元本成夔作盛夔洛陽伽藍記

序洛陽城門依魏晉舊名東面有三門北門第一門曰建春門次南曰東陽門次南曰青陽門南面有三門東

頭第一門曰開陽門次西曰平昌門次西曰宣陽門西面有四門南頭第一門曰西明門次北曰西陽門次北曰閭闔門次北曰承明門北面有二殿中宿所忌者穎門西頭曰大夏門東頭曰廣莫門

皆殺之以三部兵代宿衛二月乙酉廢皇后羊氏幽于

金墉城黜皇太子覃復爲清河王

御覽一百四十九王隱晉書曰成都河間

王復廢覃爲清河王

三月陳敏攻石冰斬之揚徐二州平河間王

顥表請立成都王穎爲太弟戊申詔曰朕以不德纂承鴻緒于茲十有五載禍亂滔天姦逆仍起至乃幽廢重宮宗廟圯絕成都王穎溫仁惠和剋平暴亂其以穎爲皇太弟都督中外諸軍事丞相如故大赦賜鰥寡高年帛三匹大酺五日景辰盜竊太廟服器以太尉顥爲太

宰太傅劉寔爲太尉六月新作三城門秋七月景申朔

右衛將軍陳畛以詔召百寮入殿中成都王穎河閒王

覽二百三十六臧榮緒晉書曰陳畛字國鎮案魏志陳

泰傳注陳氏譜云羣之後名位遂徵謀孫佐佐子準太

尉廣陵郡公準孫達字林道唐宰相世系表一下云準

字道基晉太尉廣陵元公生伯瞻建興中渡江居曲阿

生匡二子赤松世達伯瞻即陳伯瞻或表中誤衍伯字惟

石勒載記言廣陵公陳軫陳軫等率眾降勒與表言

渡江居曲阿異且明帝紀太盛元年四月以尙書陳畛

爲幽州刺史而載記叙降勒事在元帝時恐不足據此

說品藻篇注陳達別傳達字林道祖推之陳達蓋世

鰲之御覽三百八十一引鄴中記稱廣陵公陳達爲遠

達爲陳達之字或避唐諱改作林道而表誤以畛爲遠

祖多出代與譜不符陳書高祖紀亦云準生匡匡生

達疑匡卽畛其中或有誤文唐表之多一世無疑致羊

祜傳太元中荀伯子訟準黨翼賊倫廣陵國宜在削除

竟寢不報是孝武時尙追論趙王倫之事欲削除廣陵之

國宋書荀伯子傳陳茂先亦上表自陳則其時廣陵之

封茂先依然承襲則珍之因勒兵討成都王穎戊戌大
降勒可斷其為誣罔也

赦復皇后羊氏及皇太子覃己亥司徒王戎東海王越

高密王簡

周家祿校勘記曰宗室諸王傳高密孝王略字元簡不知何以紀傳皆作高密王簡按沛

順王景字子文紀稱沛王子文疑當時本以字行然則當云元簡不當云簡也姑闕所疑後不悉校平昌

公模吳王晏豫章王熾襄陽王範右僕射荀藩等奉帝

北征至安陽眾十餘萬穎遣其將石超距戰己未六軍

敗績于蕩陰矢及乘輿百官分散侍中嵇紹死之帝傷

頰中三矢亾六璽

水經蕩水篇曰蕩水出河內蕩陰縣西山東注云縣因水以取名晉伐成

都王穎敗帝於是水之南晉四王起事曰惠帝征成都王穎戰敗時舉輦司馬八人輦猶在肩上帝就殺
舉輦者乘輿頓地帝傷三矢百僚奔散御覽三百
帝遂
六十七王隱晉書曰上傷頰失六璽左右奔走

幸超軍餒甚超進水左右奉秋桃御覽七百十二引四

都軍敗帝渴帳下齋五升銅灌就民家取水就灌飲之

又九百六十七引四王起事日惠帝征成都王於安陽

城北軍敗日已向中而太官未暇進食左右有賁秋超

桃十枚便以獻帝帝食三枚石超使人擘手奪三枚超

遣弟熙奉帝之鄴穎帥羣官迎謁道左帝下輿涕泣其

夕幸于穎軍穎府有九錫之儀陳畱王送貂蟬文衣鵠

尾明日乃備法駕幸于鄴御覽九十七一百七十三類

隆刻鄴宮屋材云後若干年當有天子居此宮惠唯豫

帝止鄴宮治屋者土剝更泥始見刻字計年正合章王熾司徒王戎僕射荀藩從庚辰大赦改元爲建武

讀史舉正日案本月丙申朔不應八月戊辰穎殺東安

有庚辰日上有己未當爲庚申

王繇張方復入洛陽廢皇后羊氏及皇太子覃伺奴左

賢王劉元海反於離石自號大單于安北將軍王浚遣

烏丸騎攻成都王穎于鄴大敗之

水經濁漳水注地理

里九有梁期城故縣也晉惠帝永興元年驃騎王浚遣烏丸渴末逕至梁期侯騎到鄴成王穎遣將軍石超討末爲末所敗於此案浚本傳是役穎與帝單車走洛陽之後始轉驃騎本紀稱安北是也

服御分散

陽得鹿積車一乘以單帛裙爲幃書鈔一百

三十九晉起居注曰建武元年有司奏車府令戒嚴上作高車用雜總求處給請出上庫錢六十七萬六千六百今日但治故乃近三十萬邪忽使過飾整頓也案惠帝於是年正月改元永安七月改元建武十一月復改永安是建武紀元僅七月至十一月耳帝於七月北征八月自鄴走洛陽服御分散故有請庫錢治車之奏也惟書鈔所引倉卒上下無齋侍中黃門被囊中齋私錢恐有脫誤

三千詔貸用所在買飯以供宮人止食于道中客舍宮

人有持升餘粒米飯及燥蒜鹽豉以進帝帝噉之御覽九百

七十七晉四王起事曰成都王穎奉惠帝還洛陽道中

於客舍作食宮人持斗餘粳米飯以供至尊大蒜鹽豉

精餼細作細料餅餠御覽八百七十四王起事曰惠

帝於鄴與成都王還洛陽出城倉卒上下無持資食之

謂道中有驅羊二百餘口者便勒將至洛得以爲糧至

洛盧志啟以右藏絹倍還羊主讀史舉正曰中黃門上

多一御中黃門布被御覽七百七惠帝起居注曰帝至

侍字次獲嘉市麤米飯盛以瓦盆帝噉兩盂有老父獻蒸

鷄帝受之書鈔一百四十四晉四王起事曰惠帝自荆

夜莫上至尊飲以爲佳御覽七百五十八晉四王起事

日惠帝還洛陽道中有老公蒸雞素木槃中盛以奉帝

至溫將謁陵帝喪履納從者之履下拜流涕御覽六百

帝起居注曰帝還洛陽至陵左右皆歔歔及濟河張方

下謁無履左右履著下拜

帥騎三千以陽燧青蓋車奉迎方拜謁帝躬止之辛巳

大赦賞從者各有差冬十一月乙未方請帝謁廟因劫

帝幸長安方以所乘車入殿中帝馳避後園竹中方逼

帝升車

御覽九百二十四晉八王故事曰張方將移惠帝於長安入殿奉迎自領五千騎皆捉鐵鎚槩

二節髮毗繫兜鍪皆用涼州白鵲毛天子見之大驚

左右中黃門鼓吹十二人步

從唯中書監盧志侍側方以帝幸其壘帝令方具車載

宮人寶物軍人因妻略後宮分爭府藏魏晉已來之積

埽地無遺矣

御覽八百三引四王起事曰張方劫帝西遷國家有寶物詔右將軍載之於是放軍

人入千餘人三日輦之尚不缺角真珠百餘斛又曰惠帝遷長安時洛陽御府有大珠璫百餘斛又八百十七

四王起事曰張方移惠帝於長安兵人入殿取物持調御絹二疋幅自魏晉之積將百餘萬疋三日撻之尚不

缺行。次新安寒甚帝墮馬傷足尙書高光進面衣帝嘉
之河間王頤帥官屬步騎三萬迎于霸上御覽三百五十七盧緄晉
四王起事日河間王率參佐到霸水上迎大兵去路百餘步銜枚屯列頤前拜謁帝下車
止之以征西府爲宮唯僕射荀藩司隸劉暉太常鄭球
河南尹周馥與其遺官在洛陽爲留臺承制行事號爲
東西臺焉景午留臺大赦改元復爲永安辛丑復皇后
羊氏晉書校文一日辛丑李雄僭號成都王華陽國志九李雄僭
號在十月通鑑晉紀考異日三十劉元海僭號漢王晉略
國晉春秋十六國鈔皆在十月日帝紀在十一月通鑑在十月
僭號在先奏報在後致有不同十二月丁亥詔曰天禍
晉邦冢嗣莫繼成都王穎自在儲貳政績虧損四海失

望不可承重其以王還第豫章王熾先帝愛子令問日
新四海注意今以爲皇太弟以隆我晉邦以司空越爲
太傅與太宰顓夾輔朕躬司徒王戎參錄朝政光祿大
夫王衍爲尙書左僕射安南將軍虓安北將軍濬平北
將軍騰各守本鎮周家祿校勘記曰據宗室諸王傳是時
爲王浚浚誤作濬按成都王穎傳作平北將軍王浚
北將軍東嬴公騰與紀及浚騰傳頗不合浚騰傳亦各
似以寧北進位安北未膺平北之號然紀傳本有互見
之例細檢浚騰二傳似當時官爵遷轉僅去一階浚進
平北騰轉寧北浚進安北騰轉平北浚進驃騎騰轉安
北而二傳並不叙平北之號一見於惠帝紀一見於成
都王傳惠帝紀亦並不載浚遷平北騰轉安北之文一
見於成都王傳一見於騰本傳所謂互見爲文也雖其
間容有紀已改官而傳仍前稱傳文備書而紀從簡略
本傳漏敘而軼見他傳者總之不害其爲互見爲文故

紀傳似此例者不悉校稿高密王簡為鎮南將軍
晉書

知其誤者仍隨條校正南將軍遷安北將軍未曾為鎮南
領司隸校尉權鎮洛

陽東中郎將模為宣北將軍都督冀州鎮于鄴晉書校
文一日

模傳永興初遷鎮東大將軍鎮許昌與鎮南大將軍劉
此互異東中郎將模傳作北中郎將

弘領荊州以鎮南土周馥繆盾各還本部百官皆復職

齊王冏前應還第長沙王乂輕陷重刑封其子紹為樂

平縣王以奉其嗣廿二史攷異十八日按齊王冏傳永
興初赦其三子超冰英還第封超為

縣王以繼冏祀超與紹本一人轉寫之譌當以超為正

也周家祿校勘記日前永宣元年已封冏子冰英超為

王不云紹也自頃戎車屢征勞費人力供御之物皆減三分

之二戶調田租三分減一蠲除苛政愛人務本清通之

後當還東京大赦改元以河間王顒都督中外諸軍事

二年春正月甲午朔帝在長安夏四月詔封樂平王紹

為齊王

廿二史攷異十八曰按齊王罔傳光熙初追復王本封以子超嗣爵未詳孰是

景子張

方廢皇后羊氏六月甲子侍中司徒安豐侯王戎薨隴

西太守韓雅攻秦州刺史張輔殺之

案張軌傳作永嘉初會東羌校尉韓

雅殺秦州刺史張輔與紀

李雄僭即帝位國號蜀

讀史舉正

大異皇甫重傳亦作韓雅日按雄僭帝位惟三十國春秋與此同華陽國志後魏書十六國春秋皆在光熙元年

秋七月甲

午尙書諸曹火燒崇禮闈東海王越嚴兵徐方將西迎

大駕成都王穎部將公師藩等聚眾攻陷郡縣

廣韻一東曰晉

成都王帳下督公帥蕃木姓公師避晉景帝諱改為公帥氏

害陽平太守李志汲郡

太守張延等轉攻鄴平昌公模遣將軍趙驤擊破之八

月辛丑大赦

讀史舉正曰案上正月甲午朔及下

驃騎

將軍范陽王虓逐冀州刺史李義

廿二史攷異十八日按本傳虓為劉喬所

破自拔渡河王浚表虓領冀州刺史蓋即逐義而代之

也虓既得冀州引兵再渡河而喬遂敗此先後之可攷

者紀先書逐李義於八月而於九月書劉喬破虓於許

昌似失其次李義二傳而於九月書劉喬破虓於許

琨傳虓敗琨與虓奔河北說冀州刺史溫羨讓位于虓

既非李義亦不云逐而紀中九月劉喬攻虓于許昌十

月詔諸軍會許昌則當八月月中虓尚未渡河安得有逐

刺史之事乎此與下劉宏逐彭城王釋于宛同一誤宏

事通鑑考揚州刺史曹武殺丹楊太守朱建李雄遣其

異已辨之

將李驤寇漢安

讀史舉正曰案晉志無漢安之名而李

將李驤寇漢安

雄載記稱帝後遣李國等攻漢中則安

當為車騎大將軍劉弘逐平南將軍彭城王釋于宛

通鑑

中當為車騎大將軍劉弘逐平南將軍彭城王釋于宛

晉紀考異曰劉喬傳釋作釋帝紀宗室傳皆作釋蓋喬傳誤帝紀八月車騎大將軍劉弘逐平南將軍彭城王釋于宛弘釋傳及眾書皆無之弘傳但云彭城前東奔有不善之言按弘晉室純臣劉喬與范陽構難弘猶以書和解之以安天下尊王室釋受王命鎮宛而弘肯更自逐之乎據此詔令弘釋共討劉與嫁冬懷服下疑無弘逐釋事帝紀必誤晉書校文一日弘未嘗爲車騎大將軍此事亦不見二人傳中九月庚寅朔公師藩又害平原太守王景清河太守馮熊庚子豫州刺史劉喬攻范陽王虓於許昌敗之王子以成都王穎爲鎮軍大將軍都督河北諸軍事鎮鄴河間王暉遣將軍呂朗屯洛陽冬十月景子詔曰得豫州刺史劉喬檄稱潁川太守劉興迫脅驃騎將軍虓距逆詔令造構凶逆擅劫郡縣合聚兵眾擅用苟晞爲兗州斷截王命鎮

南大將軍荊州刺史劉弘平南將軍彭城王釋等其各

勒所統徑會許昌與喬并力今遣右將軍張方爲大都

督統精卒十萬建武將軍呂朗廣武將軍騫貍建威將

軍刁默等

唐書二仙曰騫亦姓風俗通云閔子騫之後

允吾爲金城別駕封金城侯子孫因家焉喬孫彊晉將

軍平陽郡太守案彊與彊必有一誤晉書校文一日劉

與傳作建威將軍呂朗平陽太守刁默爲軍前鋒共會

同一詔命而參差如此北地太守并刁默

許昌除與兄弟丁丑使前車騎將軍石超北中郎將王

闡討與等赤氣見于北方東西竟天有星孛于北斗平

昌公模遣將軍宋胄等屯河橋十一月立節將軍周權

詐被檄自稱平西將軍復皇后羊氏洛陽令何喬攻權

殺之復廢皇后十二月呂朗等東屯滎陽成都王穎進

據洛陽張方劉弘等竝校兵不能禦范陽王虓濟自官

渡拔滎陽斬石超襲許昌破劉喬于蕭讀史舉正曰案

西次蕭縣喬遣子祐拒之范陽王及劉琨率兵迎越喬

祐眾潰喬自屯平氏未嘗至蕭喬傳越傳可證紀談喬

奔南陽右將軍陳敏舉兵反自號楚公矯稱被中詔從

河漢奉迎天子逐揚州刺史劉機丹楊太守王曠案王

傳父曠淮南太守御覽三百三十七引王曠與揚州論

討陳敏計正為是年之事世說德行言語篇注引王獻

之別傳云祖父曠淮南太守蓋曠於丹楊被逐之後又

為淮南也惟隋志云梁有濟陽內史王曠集五卷錄一

卷亡恐濟陽遣弟恢南略江州刺史應邈奔弋陽

為丹楊之誤

光熙元年春正月戊子朔日有蝕之帝在長安河閒王

顓問劉喬破大懼遂殺張方請和于東海王越越不聽

宋冑等破穎將樓表進逼洛陽穎奔長安甲子越遣其

將祁弘宋冑司馬纂等迎帝晉書校文一日據上戊子朔推之則甲子爲三十五

日不當繫於正月疑上脫二月東萊愷令劉柏根反自

稱愷公襲臨淄高密王簡奔聊城王浚遣將討柏根斬

之高密孝王略傳曰永興初愷令劉根起兵東萊攻略

於臨淄略不能距走保聊城案永興爲光熙之誤脫

去柏字略字元簡本紀乃以字行王彌傳亦作柏根苟略劉暉傳則作劉根夏四月己巳東

海王越屯于溫顓遣弘農太守彭隨北地太守刁默距

祁弘等于湖五月枉矢西南流范陽國地燃可以爨王

辰祁弘等與刁默戰默大敗顓穎走南山奔于宛晉書校文

一日時穎不在長安何由與同走穎字誤衍檢穎傳便知弘等所部鮮卑大掠長

安殺二萬餘人是日日光四散赤如血甲午又如之己

亥弘等奉帝還洛陽帝乘牛車行宮藉草公卿跋涉戊

申驃騎范陽王虓殺司隸校尉邢喬魏志邢驃傳注晉諸公贊曰驃曾孫

喬字魯伯有體量局幹美於當世歷清職元康己酉盜中與劉渙俱爲尚書吏部郎稍遷至司隸校尉

取太廟金匱及策文各四六月景辰朔至自長安升舊

殿哀感流涕謁于太廟復皇后羊氏辛未大赦改元秋

七月乙酉朔日有蝕之太廟吏賈苞盜太廟靈衣及劔

伏誅八月以太傅東海王越錄尚書驃騎將軍范陽王

虓爲司空本傳作司徒九月頓上太守馮嵩執成都王穎送

之于鄴進東嬴公騰爵為東燕王

讀史方輿紀要四十
九日東燕城在昨城

縣西春秋之南燕也

漢置南燕縣晉省而城猶存謂之

東燕諸史攷異二曰永嘉元年三月改封東燕王騰為

新蔡王案地理志石季龍分兗州之陳留東燕為洛州

騰雖封東燕王郡旋沒於劉聰石勒故騰傳不載東燕

封號毛穆之傳使穆之督東燕四郡軍

事領東燕太守是桓溫平洛後復立

平昌公模為南

陽王冬十月司空范陽王虓薨虓長史劉興害成都王

穎十一月庚午帝崩于顯陽殿

讀史舉正曰案上七月

月時年四十八葬太陽陵

文選為宋公至洛陽謁五陵
表注郭緣生述征記云北邙

之南則惠
帝陵也

帝之為太子也朝廷咸知不堪政事武帝亦

疑焉嘗悉召東宮官屬使以尚書事令太子決之帝不

能對賈妃遣左右代對多引古義給事張泓曰太子不

學陛下所知今宜以事斷不可引書妃從之泓乃具草

令帝書之武帝覽而大悅太子遂安及居大位政出羣

下綱紀大壞貨賂公行勢位之家以貴陵物忠賢路絕

讒邪得志更相薦舉天下謂之互市焉高平王沈作釋

時論南陽魯褒作錢神論廬江杜嵩作任子春秋皆疾

時之作也杜嵩儒林傳附杜夷下作崧云惠帝時俗多浮僞著任子春秋以刺之隋經籍志總集類

杜崧任子春秋一卷書鈔三十七一百一十七初學記三十均引任子晉書校文元康二年賈后弒楊后之歲按

杜嵩作任子春秋王元康二年賈后弒楊后之歲按

以王子命名與紀言疾時之意合然蒙所見殘宋本及

明監汲古閣武英殿各晉書皆作任子無作王者顧氏

所據本惜不可見矣春秋左傳見諸卿倫晉紀

林作之吳氏則又帝又嘗在華林園聞蝦蟆聲謂左右曰

此鳴者爲官乎私乎或對曰在官地爲官在私地爲私
水經穀水注晉中州記曰惠帝爲太子出聞蝦蟇聲問
人爲是官蝦蟇私又蝦蟇侍臣賈充對曰誤在私地爲私蝦
蟇令曰若官蝦蟇可給廩先是有識云蝦蟇當貴御覽
四百九十九王隱晉書曰識書有蝦蟇當貴惠帝在宮
時出問左右此鳴是官蝦蟇爲私乎於是世間遂傳此
語及天下荒亂百姓餓死帝曰何不食肉糜其蒙蔽皆

此類也後因食麤中毒而崩或云司馬越之鳩

史臣曰不才之子則天稱大權非帝出政邇宵人褒姒
其叔帶竝興襄后與犬戎俱運昔者丹朱不肖赧王逃
責相彼凶德事關休咎方乎土梗以墜其情潯暑之氣
將闌淫毒之音罕記乃彰嗤笑用符顛隕豈通才俊彥

猶形于前代增淫助虐獨擅于當今者歟物號忠良于
茲拔本人稱祆孽自此疏源長樂不祥承華非命生靈
版蕩社稷丘墟古者敗國亡身分鑣其軫不有亂常則
多庸暗豈明神喪其精魄武皇不知其子也

贊曰惠皇居尊臨朝聽言厥體斯昧其情則昏高臺望
子長夜奚冤金塘毀冕蕩陰釋胃及爾皆亡滔天來遊

晉書斟注卷五

錢塘吳士鑑

同注

烏程劉承幹

帝紀第五

孝懷帝

孝懷皇帝諱熾字豐度武帝第二十五子也太熙元年

封豫章郡王

廿二史考異十八日按武帝紀太康十年立皇子熾爲豫章王此誤

屬惠帝

之時宗室構禍帝冲素自守門絕賓游不交世事專玩

史籍有譽于時初拜散騎常侍及趙王倫篡見收倫敗

爲射聲校尉累遷車騎大將軍都督青州諸軍事未之

鎮永興元年改授鎮北大將軍都督鄴城守諸軍事十二月丁亥立爲皇太弟帝以清河王覃本太子也懼不敢當典書令廬陵脩肅曰二相經營王室志宜社稷儲貳之重宜歸時望親賢之舉非大王而誰清河幼弱未允眾心是以旣升東宮復贊藩國今乘輿播越二宮久曠常恐氏羌飲馬於涇川螳眾控弦於霸水宜及吉辰時登儲副上翼大駕早寧東京下允黔首喁喁之望帝曰卿吾之宋昌也乃從之

光熙元年十一月庚午

羣書拾補曰光熙元年不當提行

孝惠帝崩羊

皇后以於太弟爲嫂不得爲太后催清河王覃入已至

尙書閣侍中華混等急召太弟癸酉卽皇帝位大赦尊

皇后羊氏爲惠皇后居弘訓宮追尊所生太妃王氏爲

皇太后立妃梁氏爲皇后

御覽一百三十八臧榮緒晉書曰梁皇后諱蘭璧安定人

也祖桓漢季儀同三司父芬司徒后初爲豫章王妃懷

太后列傳爲皇后永嘉中沒胡賊案木書爲懷帝母王皇

遺之可據此以補其闕十二月壬午朔日有食之己亥

封彭城王植子融爲樂城縣王南陽王模殺河開王顒

于雍谷廿二史攷異十八曰按河開王顒傳永嘉初詔書以顒爲司徒乃就徵南陽王模遣將梁臣於

新安雍谷車上扼殺之并其三子詔以彭城元王植子

融爲鄴嗣改封樂城縣王薨無子建興中元帝又以彭

城康王釋子欽爲融嗣又成帝紀咸和五年九月甲辰

徙樂成王欽爲河開王六年六月景申復故河開王顒

爵位封彭城王植子顒嬖爲樂城王此二紀一傳之

文皆舛錯不完今參而攷之樂城王融之封本以嗣顒

而懷紀乃書於顯被殺之前顯方就徵且有子必不預爲立後且雍谷之殺與樂成之封必非一日紀所書既未足信傳云永嘉初詔書以顯爲司徒攷永嘉改元尙在光熙後一年顯已先死矣此又傳之失也懷帝時既爲顯立後當復其爵位矣何以咸和六年始云復顯爵位蓋河間郡也樂成縣也樂成之封本由罪降至咸和五年欽始復河間本封因請追復顯爵此理之應有者而其下又云封彭城王植子顯爲樂成王則恐有誤欽已嗣顯不當更有嗣樂成者且亦不當與顯同名殊可疑也案成帝咸和六年封彭城王植子融爲樂成王錢氏所見本偶誤作顯此不足辨詳攷情事蓋光熙元年前融之封樂城王以彭城王植之子分封晉初諸王大都如是非以嗣顯而降封也故其封在顯死之先融既嗣顯薨後無子以欽爲嗣仍襲樂城直至咸和五年徙爲河間王次年遂復顯河間王爵位惟下文云封彭城王植子融爲樂成王此則史臣忘其本封樂成誤以融爲顯嗣顯既復爵或於此時始封融樂成王而未一檢懷紀也

辛丑以中書監溫羨

爲司徒尙書左僕射王衍爲司空己酉葬孝惠皇帝于

太陽陵李雄別帥李離寇梁州

讀史舉正曰案通鑑在永嘉元年五月

永嘉元年春正月癸丑朔大赦改元

下文云三月己未朔讀史舉正曰案

上光熙元年十二月書壬午朔本年二月書辛巳七除月書己酉朔前後互推之則癸丑己未均非朔日也

三族刑以太傅東海王越輔政殺御史中丞諸葛玫二

月辛巳東萊人王彌起兵反寇青徐二州

御覽四晉書解緒曰永嘉

元年月蝕赤如血二月敬則反案敬則疑為王彌之字晉書校文一曰彌本劉柏根偽長史作賊久矣是時寇青徐二州耳非始起兵也紀誤又攷是年正月為癸丑朔計癸丑至辛巳僅二十八日此二月辛巳字疑有誤

長廣太守宋罷東牟太守龐伉竝遇害

讀史舉正曰案地理志無東牟

郡東牟縣屬泰山此為東萊之誤東晉疆域志曰東牟郡晉志無西晉末所置領縣可考者一東牟三月己未朔平東將軍周馥斬送陳敏首丁卯改葬武悼楊

皇后庚午立豫章王詮爲皇太子

讀史舉正曰案清河王覃傳永嘉初前北

軍中候任城呂雍度支校尉陳顏等謀立覃爲太子事覺幽金墉城被害詮其弟也二年立爲皇太子於事爲合使于元年旣立詮爲太子則呂陳等亦何以生其心哉此必東海王害覃之後立詮以靖亂耳

辛未

大赦庚辰東海王越出鎮許昌以征東將軍高密王簡

爲征南大將軍都督荊州諸軍事鎮襄陽改封安北將

軍東燕王騰爲新蔡王都督司冀二州諸軍事鎮鄴

讀史

舉正曰案騰傳亦云永嘉初鎮鄴發并州劉琨傳永嘉元年琨爲并州刺史而本紀于騰鎮鄴後又云并州諸郡爲劉元海所陷刺史劉琨保晉陽然則是年三月琨已至并州矣而琨傳在路表上表曰臣九月末得發以本紀推之此九月不當屬光熙元年乎又本紀光熙元年九月進東嬴公騰爲東燕王疑是年卽使鎮鄴騰東下而琨北上紀傳相應若以琨表所云九月屬永嘉元年則是年五月鄴城爲汲桑所破騰已被殺矣或曰初范

陽王模爲征西大將軍都督秦雍梁益四州諸軍事鎮

長安并州諸郡爲劉元海所陷刺史劉琨獨保晉陽夏

五月馬牧師汲桑聚眾反敗魏郡太守馮嵩遂陷鄴城御覽三百八十六趙書曰汲桑清河具贖作丘人年二十餘力扛百鈞呼問數里時人服之又二十一田融趙書曰汲桑六月盛暑而垂重裘累茵使十餘人扇之患不得清涼斬扇者軍中爲之謠曰奴爲將軍何可差六月重茵被狐裘不識寒暑斷害新蔡王騰燒鄴宮火旬人頭顛三對作網垂齔作鰓日不滅又殺前幽州刺史石玆於樂陵石玆墓碑曰玆除征虜將軍幽

石勒墓碣曰勒除征虜將軍幽

州刺史城都王柳玭遣熒陽太守和演代玭召爲河南尹自表以疾權駐鄉里永嘉元年逆賊汲桑破鄴都之後遂肆其凶暴東北其年九月五日奄見攻圍玭親率邑族臨危守節義舊不回眾寡不敵七日城陷玭案說文玭爲本字廣韻云玭俗玭字墓碣作玭乃玭之省體玭以九月死而本紀書于五月之下蓋因陷鄴城而牽連及之自當以碑爲得實玭爲樂陵厭次人地在魏郡東北碑故云肆其凶暴東北也石定墓碣月日並同詳石鑒入掠平原山陽公劉秋遇害洛陽步廣里地陷有傳注

二鵝出色蒼者沖天白者不能飛

五行志中曰永嘉元年二月洛陽東北步

廣里地陷有蒼白二色鵝出蒼者飛翔沖天白者止焉此羽蟲之孽又黑白祥也宋志亦作二月均與紀繫之五月不同五行志下又作三月書鈔七十九王隱晉書石瑞記曰洛城內東北角步廣里中地陷中有二鵝其一蒼者飛去其一白者不能飛水經穀水注曰陸機洛陽記曰步廣里在洛陽城內宮東是翟泉所在不得於大倉西建寧郡夷攻陷寧州死者三千餘人
讀史舉正南也
日按通鑑

事在光熙元年三月秋七月己酉朔東海王越進屯官渡以討汲

桑己未以平東將軍琅邪王睿為安東將軍都督揚州

江南諸軍事假節鎮建鄴廿二史攷異十八日按元帝紀東海王越之收兵下邳也

假帝輔國將軍尋加平東將軍監徐州諸軍事鎮下邳

俄遷安東將軍都督揚州諸軍事越西迎大駕留帝居

守永嘉初用王導計始鎮建鄴是琅邪鎮建鄴以前已

轉安東將軍矣王導傳帝出鎮下邳請導為安東司馬

此其證也八月己卯朔撫軍將軍苟晞敗汲桑於鄴周家祿校勘記

日按晞本傳晞定鄴之後又破公師藩敗石勒然後甲

進位撫軍將軍將軍不應此時已稱撫軍當云兗州刺史

辰曲赦幽并司冀兗豫等六州分荊州江州八郡為湘

州廿二史攷異十八日地理志懷帝分長沙衡陽湘東

州零陵邵陵桂陽及廣州之始安始興臨賀九郡置湘

州是九郡非入郡也其長沙六郡舊俱屬荊州惠帝元

康元年分桂陽屬江州紀稱分荊州江州不及廣州誤

矣諸史攷異二日案宋書州郡志湘州刺史晉懷帝永嘉元年分荊州之長沙衡陽湘東邵陵零陵營陽建昌江州之桂陽入九月戊申荀晞又破汲桑陷其九壘辛郡立交與此同

亥有大星如日小者如斗自西方流於東北天盡赤俄

有聲如雷始修千金竭於許昌以通運

水經穀水注曰張方入洛破千

金竭永嘉初汝陰太守李矩汝南太守袁孚修之以利漕運公私賴之

劉勰橋梁記冬十一月戊

申朔日有蝕之甲寅以尙書右僕射和郁爲征北將軍

鎮鄴十二月戊寅并州人田蘭薄盛等斬汲桑於樂陵

水經河水注五日商河又東北流逕馬嶺西北屈而東注南轉逕城東注云城在河曲之中東海王越斬汲桑

於是城水經注釋五日全氏曰其實是并州乞恬之田甄田蘭所斬非越也案石勒載記作斬桑於平原厭次

本屬平原後改屬樂陵載記蓋從其始言之實卽一地也寰宇記謂在陽信恐不確樂府詩集八十五引樂府

廣題曰晉汲桑力能扛鼎呼眾間數里殘忍少恩并州大姓田蘭薄盛斬於平原士女慶賀奔走道路而歌之甲午以前太傅劉寔爲太尉庚子以光祿大夫延陵公高光爲尙書令東海王越矯詔囚清河王覃于金墉城癸卯越自爲丞相以撫軍將軍苟晞爲征東大將軍二年春正月景午朔日有蝕之丁未大赦二月辛卯清河王覃爲東海王越所害庚子石勒寇常山安北將軍王浚討破之下文云三月劉元海侵汲郡略頓邱河內九月勒寇趙郡十一月勒寇鄴三年三月元海寇黎陽七月劉聰王彌寇上黨圍壺關讀史舉正曰案彌傳攻壺關在攻鄴之前而勒載訖陷壺關後寇魏郡頓邱鄴潰進攻趙郡又進攻鉅鹿常山自東而南而北途徑畫然分明可據又接通鑑永嘉二年正月劉淵遣聰等十將南據大行石勒等十將東下趙魏二語不知出何書竊謂此文爲綱極分明蓋聰與勒攻壺關

既陷自是兵分二路勒率劉靈閭羅等七將觀讞與王
彌寇鄴王彌勸勒勒記以次下冀州郡縣悉如載記而
彌復偕聰與王曠等戰高都長平閒寇河內觀篇逼洛
陽彌與勒分不知其地或者攻鄴之後耶第二年之中
其攻掠月日無確據本紀先後錯亂不足信即如勒寇
常山王浚破之本在三年九月先書于二年二月此由
傳記異詞史家全不檢察一事疊見且閭于地理南北
乖錯涑水仍其誤亦以勒寇常山入二年春次及寇鄴
而三年夏又云勒寇鉅鹿常山下復云王彌劉聰共攻
壺關以勒爲前鋒都督然則勒之南北迴還不且疲于
奔命而踰越險阻又何其神速乎至于取屯留長子已
見永興元年冬茲又云破屯留長子豈得而復失耶二
縣在壺關之西未破何由得至壺關耶夫聰之寇洛陽
壺關長子等縣非其必經之道而勒之攻陷冀州不先
下此數邑則無由進軍也當日涑水旁採諸書卽一攻
壺關也十六國春秋在三年五月晉書本紀在七月而
劉琨集則在四月以前雖未知究在何月三月東海王
要之勒在冀州必不迴軍而南也審矣

青徐兗豫四州夏四月丁亥入許昌諸郡守將皆奔走

五月甲子彌遂寇洛陽

晉書校文一日彌傳亦載此事而下云永嘉初寇上黨圍壺關

云云則似以此事屬之惠帝時矣誤不足據

司徒王衍帥眾禦之彌退走秋

七月甲辰劉元海寇平陽太守宋抽奔京師河東太守

路述力戰死之八月丁亥東海王越自鄆城遷屯于濮

陽九月石勒寇趙郡征北將軍和郁自鄆奔于衛國史讀

舉正曰案趙郡在鄆北無踰鄆攻趙之理況下十一月

又云攻鄆則郁亦不應先奔石勒載記鄆潰和郁奔是

也又衛當作襄勒記亦誤作衛係縣非國晉書校文一

曰下文又言十一月己酉石勒寇鄆魏郡太守王粹戰

敗死之案後趙載記則言勒并軍寇鄆鄆潰和郁奔於

衛國執魏郡太守王粹於三臺進攻趙郡害都尉馮仲

是勒攻趙郡在寇鄆後紀所言先後倒置至和郁鎮鄆

見元年紀載記言鄆潰出奔狂獮獮和郁亦較紀

謂出奔於勒寇趙郡時者為可據冬十月甲戌劉元海僭帝號于平陽

仍稱漢晉略曰于平陽三字非是案十一月乙巳尙書

令高光卒丁卯以太子少傅荀藩為尙書令己酉石勒

寇鄴魏郡太守王粹戰敗死之晉書校文一日計乙巳至丁卯凡二十三日

己酉則僅五日今先丁卯後己酉敘事失次疑丁卯或丁未之誤十二月辛未朔大赦

立長沙王乂子碩為長沙王眇為臨淮王

三年春正月甲午彭城王釋薨讀史舉正曰案通鑑是月辛丑朔又上二年十

二月書辛未朔本年三月書戊申丁巳等日則正月不得有甲午三月戊申征南大將

軍高密王簡薨諸史攷異二日高密孝王略傳字元簡懷帝即位遷使持節都督荊州諸軍事

征南大將軍永嘉三年以尙書左僕射山簡為征南將薨簡即略也蓋以字行

軍都督荆湘交廣等四州諸軍事司隸校尉劉暉爲尙

書左僕射丁巳東海王越歸京師

文選晉紀總論注干寶晉紀曰太傅東海

王越總兵輔政

乙丑勒兵入宮於帝側收近臣中書令繆播帝

舅王延等十餘人竝害之

御覽二百二十晉諸公讚曰懷帝以繆播爲中書令朝事

莫不諮之人君之所取信於臣下無以尙也案王延當是懷帝母王皇太后之弟兄故稱帝舅

景寅曲

赦河南郡丁卯太尉劉寔請老以司徒王衍爲太尉東

海王越領司徒劉元海寇黎陽遣車騎將軍王堪擊之

王師敗績于延津死者三萬餘人大旱江漢河洛皆竭

可涉

五行志此事繫於五月不在三月初學記六賊榮緒晉書曰永嘉三月淮濮水竭三月爲三年之誤

夏四月左積弩將軍朱誕叛奔於劉元海石勒攻陷冀

州郡縣百餘壁秋七月戊辰當陽地裂三所各廣三丈長三百餘步辛未平陽人劉芒蕩自稱漢後誑誘羌戎

僭帝號於馬蘭山支胡五斗叟郝索聚眾數千爲亂屯

新豐

苻秦鄧太尉祠碑曰統和寧戎郿城洛川定陽五部領屠各上郡夫施黑羌白羌高涼西羌盧水白

虜支胡栗特口水雜戶七十夷類與芒蕩合黨劉元海十二種案支胡蓋爲羌戎之一種

遣子聰及王彌寇上黨圍壺關并州刺史劉琨使兵救

之爲聰所敗淮南內史王曠將軍施融曹超及聰戰又

敗超融死之上黨太守龐涓以郡降賊

通鑑晉紀考異曰案劉琨集載

六月癸巳琨答太傅府書曰聰彌入上黨龐涓不能禦又曰安居失利韓述投首封田之敗黃肅不還浹辰之閒名將仍殄又曰卽重遣江陶都尉張倚領上黨太守疾據襄垣續遣鷹揚將軍趙擬梁余都尉李茂與倚併

力輕行夜襲賊捐棄輜車宵遁而退追尋討截獲三分之二當聰彌之未走烏丸劉虎構為變逆西招日部遣使致任稱臣於淵殘州困弱內外受敵輒背聰而討虎也蓋晉漢二史輒輟切肝缺網繡又謝以鄧融皆據奏報事畢而言之案考異以現集為證是本紀繫於七月誤也劉琨傳九月景寅劉聰圍浚儀遣平北將軍曹誤龐滔為襲酈

武討之丁丑王師敗績

讀史舉正曰下又云使車騎將軍王堪平北將軍曹武討劉聰

王師敗績案劉淵載記此自一事而紀誤分為二晉略曰聰兩次入寇所由異路先由浚儀而洛都而宜陽遂由大陽北渡十月復寇則自西而東東海王越入保京也案周氏以為兩事姑並存其說

城聰至西明門越禦之戰于宣陽門外大破之石勒寇

常山安北將軍王浚使鮮卑騎救之大破勒於飛龍山

晉書校文一曰浚於惠帝旋洛陽時即由安北將軍轉驃騎大將軍見本傳紀於是年尚作安北實為失檢案

上文二年二月亦誤作安北下文十一月安北將軍王
斌遇害疑此條安北將軍王浚乃王斌之誤石勒載記
亦誤作王浚御覽四十五隋圖經曰飛龍山又名封龍
山元和郡縣圖志十七曰飛龍山在獲鹿縣南四十五
里讀史方輿紀要十四曰封龍山在元氏縣西北五十
里括地志云在鹿泉縣西南四十五里蓋山當兩邑之
交征西大將軍南陽王模使其將淳于定破劉芒蕩五
斗叟竝斬之使車騎將軍王堪平北將軍曹武討劉聰
王師敗績堪奔還京師李雄別帥羅羨以梓潼歸順雄載
記作羅羨劉聰攻洛陽西明門不剋宜都夷道山崩荆湘二
州地震冬十一月石勒陷長樂安北將軍王斌遇害因
屠黎陽乞活帥李憚薄盛等帥眾救京師水經渠水注
陳留風俗傳日縣有倉頡師曠城上有列僊之吹臺梁王增築以爲
吹臺城隍夷滅略存故跡其臺方百許步晉世喪亂乞

活憑居削墮故基遂成二層上基猶方四五十步高一丈餘世謂之乞活臺又謂之繁臺城寰宇記六十六日乞活城郡國志云大安中并州刺史東瀛公司馬騰掠獨胡萬戶於山東賣爲生口值險難售恐其有叛不聽入州郡築此城以居之任自乞活讀史方輿紀要十三日河間城北六里有乞活城又四十七日繁臺在開封府南五里本師曠吹臺亦曰平臺後有繁氏居臺側因日繁臺案晉時乞活蓋分置於司冀三州故開封河間皆有乞活城聰退走惲等又破王彌于新汲十二月乙與乞活臺也

亥夜有白氣如帶自地升天南北各二丈

四年春正月乙丑朔大赦二月石勒襲鄆城兗州刺史袁孚戰敗爲其部下所害勒又襲白馬車騎將軍王堪死之書鈔六十四晉諸公贊曰王堪字世胄行車騎將軍征討諸軍事爲石勒所襲左右將勒堪上馬歎曰我國家大將不能禦難何面目復還朝廷終不動遂至被害官僚百人守屍不去皆死孝懷悼之初學記

十七引作被左右扶堪上馬慷慨歎曰我國家大將不能禦難以至於此奈何面目復還朝廷晉書校文一日後趙載記勒濟河攻陷白馬東襲鄆城害孚因攻倉垣陷之遂害王堪所敘事實與紀文先後互異不知誰為實錄惟王堪退保倉垣載記有明文其李雄將文碩殺不死於白馬明矣此則當從載記者也

雄大將軍李國以巴西歸順

晉書校文一日據載記及華陽國志李國係太宰非

大將軍

戊午吳興人錢璦反自稱平西將軍

晉書校文一日周玘傳作

平西大將軍

三月丞相倉曹屬周玘帥鄉人討璦斬之

入州都督

夏四月大水將軍祁弘破劉元海將劉靈曜于廣宗

晉書

校文一日非靈字衍文則曜上奪劉字案御覽三百八十六引趙書云劉靈陽平人年二十餘常廝役於縣力制奔牛走及馳馬是劉靈確有其人李雄陷梓潼兖州當為元海之將靈下曜字乃是衍文

地震五月石勒寇汲郡執太守胡寵遂南濟河滎陽太

守裴純奔建鄴大風折本地震幽并司冀秦雍等六州

大蝗食草木牛馬毛皆盡六月劉元海死其子和嗣偽

位和弟聰弒和而自立

通鑑晉紀考異日十六國春秋八月丁丑淵召太宰歡樂等受

遺詔己卯卒辛未葬按長麻七月壬戌朔十六日丁丑

十八日己卯八月辛卯朔無丁丑己卯及辛未辛未乃

九月十一日蓋淵以七月卒九月葬十六國春秋七月

秋誤也讀史舉正日劉聰弒和通鑑當在七月秋七月

劉聰從弟曜及其將石勒圍懷詔征虜將軍宋抽救之

爲曜所敗抽死之九月河內人樂仰執太守裴整叛降

于石勒徐州監軍王隆自下邳棄軍奔于周馥雍州人

王如舉兵反于宛殺害令長自號大將軍司雍二州牧

大掠漢沔新平人龐寔馮翊人嚴凝京兆人侯脫等各

起兵應之征南將軍山簡荊州刺史王澄南中郎將杜

弢竝遣兵援京師及如戰于宛諸軍皆大敗王澄獨以

眾進至汴口眾潰而歸

澄本傳汴口作宜城水經沔水注曰夷水又東南流與零水合

零水卽汴水也上通梁州汎陽縣之默城山其水東逕

新城郡之汴鄉縣謂之汴水通鑑注汴音怡讀史方輿

紀要七十九云汴水在宜城縣西陳隋書地理志誤

大星西南墜有聲

讀史舉正曰案天文志作西北墜爲是

壬寅石勒圍倉

垣陳留內史王讚擊敗之勒走河北

寰宇記一日倉垣城在開封縣東北

二十里水經云濟水東逕倉垣城輿地志云倉垣城南臨汴水

王子以驃騎將軍王浚

爲司空平北將軍劉琨爲平北大將軍京師饑東海王

越羽檄徵天下兵帝謂使者曰爲我語諸征鎮若今日

尙可救後則無逮矣時莫有至者石勒陷襄城太守崔

曠遇害遂至宛王浚遣鮮卑文鴛帥騎救之勒退浚又

遣別將王申始討勒于汶石津大破之

石勒載記申始作甲始汶作文

水經河水注五日河水於是有棘津之名亦謂之石濟

津故南津也讀史方輿紀要四十九日文石津在并城

縣東北舊爲大何津濟處胡氏日津在東燕之東北枋

頭之東南是也水經注釋五日一清案石濟通鑑作文

石津懷帝紀石勒爲王讚蠟虱王讚所敗退屯文石津

胡三省日據帝紀文石津在河北又據永嘉六年勒自

葛陂北行至東燕使孔萇自文石津潛渡枋頭取向永

船則文石津在東燕之東北枋頭之東南蓋濟者津渡

之名非四瀆之濟並非常山之石濟也讀史舉正日按

宛之去幽州數千里浚安能救又汶石津在汲郡去宛

亦遠事蹟不合今案本紀上文勒圍倉垣爲王讚擊敗

地在河南既敗則走河北此次破勒則爲別將王申始

地在河北而中間又云勒陷襄城遂至宛是又至河南

矣一月之中倏南倏北恐非事實載記則云勒出成皋

園王讚於倉垣為讚所敗退屯文石津是以兩役率混
為一也而下文又云王甲始敗趙固於津北與紀亦異
讀史舉正讚以本紀下王甲十一月甲戌東海王越帥眾出許昌以行
申殊為疏姓

臺自隨宮省無復守衛荒僅日甚殿內死人交橫府寺
營署竝掘塹自守盜賊公行枹鼓之音不絕越軍次項
自領豫州牧以太尉王衍為軍司丁丑流氏隗伯符等
襲宜都太守嵇晞奔建鄴

讀史舉正日案符下少王申一成字又通鑑作隗文

始攻劉曜王彌于瓶壘破之鎮東將軍周馥表迎大駕
遷都壽陽越使裴頠討馥為馥所敗
十七史商榷四十一日此又一裴頠與裴秀之子同姓名者周家祿校勘記曰裴頠周馥傳作裴頠按頠惠帝時已為趙王倫所害此時不得復存當作裴頠為是走保東城請救于琅邪王睿襄陽大疫死者三

千餘人

五行志上作襄陽火燒死者三千餘人

加涼州刺史張軌安西將

軍

廿二史攷異十八日按軌傳永興中已加安西將軍及王彌寇洛陽軌遣北宮純等率州軍擊破之懷帝

嘉其忠進西平郡公不受然則永嘉四年所加者乃西平之封非安西將軍也

十二月征東大

將軍苟晞攻王彌別帥曹嶷破之乙酉平陽人李洪帥

流人入定陵作亂

讀史舉正日案通鑑長麻是年八月辛卯朔十二月不當有乙酉

五年春正月帝密詔苟晞討東海王越

通鑑晉紀考異引晉春秋日上

遣李初詔晞討越

壬申晞為曹嶷所破乙未越遣從事中郎將

楊瑁徐州刺史裴盾共擊晞癸酉勒入江夏太守楊珉

奔於武昌乙亥李雄攻陷涪城梓潼太守譙登遇害

華陽

國志十一日譙登字慎明巴西西充國人周孫也卷十二又作字順明又卷八日初巴西西譙登詣鎮南請兵鎮

南無兵表為揚烈將軍梓潼內史義募三巴蜀漢民為

兵克復州郡先征宕渠殺雄巴西太守馬脫還住涪折

衡將軍張羅進據健為之合水巴蜀為語口譙登治涪

城文石在巴西張羅守合水巴氏那得前永嘉四年七

月羅尚薨於巴郡詔書除長沙太守下邳當此皮素

泰混當此為益州刺史兼西夷校尉揚烈將軍領義

募人及平西將軍當進治三關時李驤急攻譙登素次

巴東勅平西將軍張順楊顯排登尚子宇惠恨加登糧

運不給素至涪欲治執事執事懷懼冬十二月素至巴

郡降人天水趙攀閭蘭等夜殺素素字泰混下邳人也

建平都尉暴重殺宇及攀巴郡亂不果抹登三府官屬

上巴東監軍冠軍將軍南陽韓松為刺史校尉治巴東

五年春正月驛賊校一韓松李驤破涪城獲登巴

西梓潼復為雄有晉書校文一日攷是月所書各日首

壬申次乙未次癸酉次乙亥次戊寅次庚辰以長麻推

之王申之明日即癸酉其三日即乙亥其七日即戊寅

其九日即庚辰惟乙未相距二十四日為最遠今壬申

下先及乙未而癸酉各日反列於後失次殊甚螳被駟

記先及乙未而癸酉各日反列於後失次殊甚螳被駟

王有傳今忠義傳中史法安在反湘州流人杜弼據長沙

反戊寅安東將軍琅邪王睿使將軍甘卓攻鎮東將軍
周馥于壽春馥眾潰庚辰太保平原王幹薨二月石勒
寇汝南汝南王祐奔建鄴三月戊午詔下東海王越罪
狀告方鎮討之以征東大將軍荀晞爲大將軍景子東
海王越薨四月戊子石勒追東海王越喪及于東郡史
舉正日案東郡是時已省各傳將軍錢端戰死軍潰太
不見越傳作苦縣則屬梁國尉王衍吏部尙書劉望廷尉諸葛銓案后妃傳云銓散
傳注引荀綽兖州記云銓兖州刺史尙書鄭豫武陵王
均與此異賈充傳作詮當爲銓之僞澹等皆遇害王公已下死者十餘萬人東海世子毗及
宗室四十八王尋又没于石勒諸史攷異二日案東海
王越傳毗及宗室三十

六王俱沒於賊魏書賊王桑洽道陷徐州刺史裴盾遇

害石勒傳作二十六王

晉書校文一日盾奔淮陰降趙固後乃被殺事具裴

憲傳死本自取如紀所書一似不屈殉節者殊非史

筆桑遂濟淮至于歷陽五月益州流人汝班梁州流人

蹇撫作亂于湘州虜刺史苟眺南破零桂諸郡東掠武

昌安城太守郭察

周家祿校勘記曰安城地理志杜陵

通茲仍其舊

後不悉校邵陵太守鄭融衡陽內史滕育竝遇害進

司空王浚爲大司馬征西大將軍南陽王模爲太尉太

子太傅傳祇爲司徒尙書令苟藩爲司空安東將軍琅

邪王睿爲鎮東大將軍東海王越之出也使河南尹潘

滔居守大將軍苟晞表遷都倉垣帝將從之諸大臣畏

滔不敢奉詔且宮中及黃門戀資財不欲出至是饑甚

人相食

御覽三十五王隱晉書曰永嘉五年洛中大飢

百官流亡者十八九帝

召羣臣會議將行而警衛不備帝撫手歎曰如何曾無

車輿乃使司徒傅祗出詣河陰修理舟楫爲水行之備

朝士數十人導從帝步出西掖門至銅駝街爲盜所掠

不得進而還六月癸未劉曜王彌石勒同寇洛川

讀史舉正

日案通鑑此日在五月

王師頻爲賊所敗死者甚衆庚寅司空荀

藩光祿大夫荀組奔轅轅太子左率溫畿夜開廣莫門

奔小平津

讀史方輿紀要四十八日小平津在今孟津縣西北東晉疆域志曰小平津在鞏縣西北

丁酉劉曜王彌入京師帝開華林園門出河陰滿池欲

幸長安爲曜等所追及曜等遂焚燒宮廟逼辱她后吳

王晏竟陵王棼尙書左僕射和郁右僕射曹馥尙書閤

王冲袁粲王紕河南尹劉默等皆遇害

讀史舉正曰案

奔于荀晞疾卒晞傳云豫章王端及和郁等奔晞而傳

祇傳亦云洛陽陷祇令尙書令和郁徵義兵甚矣紀之

誤也百官士庶死者三萬餘人帝蒙塵于平陽

御覽六百八十二王

璽譜曰王彌入洛陽執懷

劉聰以帝爲會稽公

通鑑晉紀考異

帝及傳國六璽詣劉曜

日載記三十國春秋云平阿公晉春秋云平河公平河

公蓋誤十六國三十國晉春秋明年二月乃封帝會稽

公蓋先封平阿後

荀藩移檄州鎮以琅邪王爲盟主豫

進會稽帝紀闕略章王端東奔荀晞晞立爲皇太子自領尙書令具置官

屬保梁國之蒙縣百姓饑餒米斛萬餘價秋七月大司

馬王浚承制假立太子置百官署征鎮石勒寇穀陽沛

王滋戰敗遇害

石勒載記作寇軍將軍王滋

八月劉聰使子粲攻陷

長安太尉征西將軍南陽王模遇害長安遣人四千餘

家奔漢中九月癸亥石勒襲陽夏至於蒙縣大將軍苟

晞豫章王端並沒於賊冬十月勒寇豫州諸郡至江而

還十一月猗盧寇太原平北將軍劉琨不能制徙五縣

百姓於新興以其地居之

宋書索虜傳曰劉琨上言盧兄馳有救勝之功舊勲宜錄

請移五縣民于新興以其地處之魏書序紀曰力微子

文帝沙漠汗文帝長子桓帝猗龜桓帝弟穆帝猗盧穆

帝三年薨臨縣帝從琨求勾注陞北地地琨大喜乃徙馬

邑陰館樓煩繁時峙五縣于陞南盡獻其地通鑑晉紀

考異曰劉琨與丞相晟曰雁門郡有五縣在陞北盧新

并塵官國甚彊盛從琨求陞北地以並遣三萬餘家散

在五縣間既非所制又於琨殘弱之計得相聚集未為
失宜卽徙陘北五縣著陘南盧因移頗侵逼浚西陘圍
塞諸軍營浚不復見恕危弱而見罪責攷異又引賤語
作猗也讀史方輿紀要三十九日曹魏時五縣俱已遷
陘南遺民猶在陘北也

六年春正月帝在平陽劉聰寇太原故鎮南府牙門將

胡亢聚眾寇荆土自號楚公二月王子日有蝕之天文志作

王子朔癸丑鎮東大將軍琅邪王睿上尙書檄四方以討

石勒大司馬王浚移檄天下稱被中詔承制初學記十

贊曰王浚爲幽州刺史尋洛陽破後承制行臺以荀藩

以宗廟焚毀設壇望祀七室及功成隨作配食周家祿校勘記曰汝陽

爲太尉汝陰王熙爲石勒所害誤汝陰熙汝南王亮子

武十三王傳別夏四月景寅征南將軍山簡卒秋七月

有汝陰王謨也

歲星熒惑太白聚于牛斗

天文志作熒惑歲星太白聚于牛女之間廿二史攷異十八

日按元帝紀永嘉中歲鎮熒惑太白聚斗牛之間王廙

傳亦云臣以壬申歲蘇麟六幘見川為鄱陽內史七月

四星聚於牽牛然則此紀及天文志並脫鎮星二字矣

予友褚刑部寅亮言七月斗建申日在鶉尾之次去星

紀極遠太白在日前後最遠不過四十五度何緣違日

而在斗牛女之間若在九月十月之交或有此事耳恐

七月當為石勒寇冀州劉粲寇晉陽平北將軍劉琨遣

十月之譌部將郝詵帥眾禦粲詵敗績死之太原太守高喬以晉

陽降粲八月庚戌劉琨奔于常山己亥陰平都尉董冲

逐太守王鑒以郡叛降于李雄

華陽國志二日永嘉末太守王鑒粗暴郡民毛

深左騰等逐出之相率降李雄晉民盡出蜀氏羌為楊

茂搜所古有御覽一百六十七輿地志日晉永嘉之末

太守王鑒以郡降李雄晉人因是悉流移於蜀漢其氏

羌並屬楊茂搜梗化後不復為正朔所頒入月中有庚

戊己亥辛亥三事似庚戌後卽當爲辛亥惟是月中不得再有己亥此己亥辛亥二日均有誤文本紀謂董冲逐王鑒以郡降李雄華陽志謂毛深左騰逐出辛亥劉之相率降雄乃顧野王云王鑒以郡降雄蓋誤辛亥劉琨乞師于猗盧表盧爲代公元和郡縣圖志十四日朔漢末大亂郡遂荒廢建安中曹公又立馬邑縣屬新興郡晉改屬雁門郡晉亂其地爲猗盧所據劉琨表盧爲大單于封代公徙馬邑案讀史舉正謂九月己卯猗盧琨表猗盧爲代郡公事在永嘉以前誤使子利孫赴琨不得進通鑑晉紀作六脩考異曰利孫日利孫賓六須本紀無日字賓六須當卽六脩與利孫爲二人通鑑注誤合爲一也魏書紀又作穆帝遣長子六脩桓帝子普根爲前鋒水經灤水注曰桑乾水又東南逕黃瓜阜曲西又屈逕其堆南注云徐廣曰猗盧廢嬖子日利孫辛巳前雍州刺史賈疋討劉粲於三輔走於黃瓜堆晉書校文一日前字衍文周家祿關中小定乃與衛之校勘記曰據劉聰載記粲宜作曜

將軍梁芬京兆太守梁綜共奉秦王鄴為皇太子於長

安

魏書序紀作京兆太守間

冬十月猗盧自將六萬騎

次于盭城十一月甲午劉粲遁走劉琨收其遺眾保于

陽曲是歲大疫

七年春正月劉聰大會使帝著青衣行酒侍中庾珉號

哭聰惡之

劉聰載記及御覽一百十九引十六國春秋前趙錄作庾珉王儁等起而大哭聰惡之

丁未帝遇弒崩于平陽

文選勅進表注晉諸公贊曰荀

上於是見害案御覽一百十九引十六國春秋前趙錄

作二月丁未通鑑亦作二月本紀於正月下漏二月二

字

時年三十帝初誕有嘉禾生于豫章之南昌

文選晉紀總論

注徐廣晉紀曰太康五年八月嘉禾生南昌九月懷帝生

先是望氣者云豫章有天

子氣其後竟以豫章王爲皇太弟在東宮恂恂謙損接
引朝士講論書籍及卽位始遵舊制臨太極殿使尙書
郎讀時令又於東堂聽政至於宴會輒與羣官論衆務
考經籍黃門侍郎傅宣歎曰今日復見武帝之世矣祕
書監荀崧又常謂人曰懷帝天姿清劭少著英猷若遭
承平足爲守文佳主而繼惠帝擾亂之後東海專政無
幽厲之釁而有流亡之禍

孝愍帝

孝愍皇帝諱鄴

文選晉紀總論注引干寶晉懷紀作業通鑑晉紀考異引三十國春秋愍帝名

子

字彥旗武帝孫吳孝王晏之子也出繼後伯父秦獻

王東襲封秦王永嘉二年拜散騎常侍撫軍將軍及洛陽傾覆避難於滎陽密縣與舅荀藩荀組相遇自密南趨許潁豫州刺史閻鼎與前撫軍長史王毗司徒長史劉疇中書郎李昕及藩組等同謀奉帝歸於長安文選總論注干寶晉紀曰豫州刺史閻鼎以天下無主有輔立之計讀史舉正曰李昕閻鼎傳作甌王浚傳作組三處互異而疇等中途復叛鼎追殺之藩組僅而獲免鼎遂挾帝乘牛車自宛趣武關頻遇山賊士卒亡散次于藍田鼎告雍州刺史賈疋讀史舉正曰案疋傳愍帝以疋是安定太守也疋遽遣州兵迎衛達于長安又使輔國將軍梁綜助守之時有玉龜出霸水神馬鳴城南焉六年九月

辛巳奉秦王爲皇太子

文選勅進表注王隱晉書懷紀曰洛陽破大司馬南陽王保於

長安立秦王爲皇太子通鑑晉紀考異曰劉琨與丞

相賡日浚設壇場有所建立稱皇太子不知爲誰壇告類建宗廟社稷大赦加疋征西大將軍以秦州刺

史南陽王保爲大司馬賈疋討賊張連遇害眾推始平

太守麴允領雍州刺史爲盟主承制選置

建興元年夏四月景午奉懷帝崩問舉哀成禮壬申卽

皇帝位大赦改元

御覽六百五十二王隱晉書曰建興元年夏四月壬申上卽位於長安宮

改元大赦天下與之以衛將軍梁芬爲司徒雍州刺史

更始前後者皆除之麴允爲使持節領軍將軍錄尙書事

晉書校文一日允傳作以允爲尙書

左僕射領軍持節西戎校尉錄尙書事

京兆太守索綝爲尙書右僕射

晉書

校文一日當作馮

翊太守緄傳可證

石勒攻龍驤將軍李暉於土白暉敗

死之

石勒載記作李偉通鑑晉紀注曰上白城在安平廣宗縣

五月壬辰以鎮東大

將軍琅邪王容爲侍中左丞相大都督陝東諸軍事大

司馬南陽王保爲右丞相大都督陝西諸軍事又詔二

王曰夫陽九百六之厄雖在盛世猶或遘之朕以幼冲

纂承洪緒庶憑祖宗之靈羣公義士之力蕩滅凶寇拯

拔幽宮瞻望未達肝心分裂昔周邵分陝姬氏以隆平

王東遷晉鄭爲輔今左右丞相茂德齊聖國之昵屬當

侍二公埽除鯨鯢奉迎梓宮克復中興令幽并兩州勒

卒三十萬直造平陽右丞相宜帥秦涼梁雍武旅三十

萬徑詣長安左丞相帥所領精兵二十萬徑造洛陽分
遣前鋒爲幽并後駐赴同大隈克成元勳又詔琅邪王
日睽以冲昧纂承洪緒未能梟夷凶逆奉迎梓宮枕戈
煩冤肝心抽裂前得魏浚表廿二史攷異十八日時浚
屯兵洛北石梁塢劉琨承
制假浚河南尹故得上表長安或疑爲王浚之譌者非是知公帥先三軍已據壽春
傳檄諸侯協齊威勢想今漸進已達洛陽涼州刺史張
軌乃心王室連旗萬里已到汧隴梁州刺史張光亦遣
巴漢之卒屯在駱谷秦川驍勇其會如林閒遣使適還
具知平陽定問云幽并隆盛餘胡衰破然猶恃險當須
大舉未知公今所到是以息兵秣馬未便進軍今爲已

至何許當須來旨便乘輿自出會除中原也公宜思弘
謀猷助濟遠略使山陵旋反四海有賴故遣殿中都督
劉蜀蘇馬等具宣朕意

元本蘇馬作司馬

公茂德昵屬宣隆東

夏恢融六合非公而誰但洛都陵廟不可空曠公宜鎮
撫以綏山東右丞相當入輔弼追蹤周邵以隆中興也
六月石勒害兗州刺史田徽是時山東郡邑相繼陷于
勒秋八月癸亥劉蜀等達于揚州改建鄴爲建康改鄴
爲臨漳杜弼寇武昌焚燒城邑弼別將王眞襲沌陽荆
州刺史周顗奔于建康九月司空荀藩薨于滎陽劉聰
寇河南河南尹張髦死之

讀史舉正曰案通鑑聰寇河南在十二月時魏浚爲河南

尹冬十月荊州刺史陶侃討杜弼黨杜曾於石城爲曾

所敗

廿二史攷異十八日以杜弼杜曾二傳攷之曾不與弼同黨晉書校文一日按王敦傳有弼將杜曾

語陶侃傳載王貢張奕初皆從曾後皆爲弼將是其同黨之證己巳大雨雹庚午大雪

十一月流人楊武攻陷梁州十二月河東地震雨肉

二年春正月己巳朔黑霧著人如墨連夜五日乃止辛

未辰時日隕于地又有三日相承出於西方而東行丁

丑大赦楊武大略漢中遂奔李雄二月壬寅以司空王

浚爲大司馬衛將軍荀組爲司空涼州刺史張軌爲太

尉封西平郡公并州刺史劉琨爲大將軍三月癸酉石

勒陷幽州殺侍中大司馬幽州牧博陵公王浚焚燒城

邑害萬餘人杜弼別帥王真襲荊州刺史陶侃於林郭

侃奔潯中夏四月甲辰地震五月壬辰太尉領護羌校

尉涼州刺史西平公張軌薨

晉書校文一日御覽補正引前涼錄作五月己丑通

鑑考異引亦作己丑較壬辰前三日紀誤

六月劉曜趙冉寇新豐諸縣安東

將軍索綝討破之秋七月曜冉等又逼京都領軍將軍

麴允討破之

劉琨傳同作冉南陽王保及苟晞索綝麴允諸傳劉聰載記作趙染御覽一百七十

六引趙書云趙染襲長安又爲趙染之譌又四百五十

三引前趙錄亦作染讀史舉正日按綝允本傳綝時已

爲征東大將軍允冉中流矢而死九月北中郎將劉寅

時已爲驃騎將軍剋頓丘案當從劉琨傳及石勒載記作劉演斬石勒所署太守邵攀景戌

三年春正月盜殺晉昌太守趙珮吳興人徐馥害太守
袁琇以侍中宋哲爲平東將軍屯華陰二月景子進左
丞相琅邪王睿爲大都督督中外諸軍事右丞相南陽
王保爲相國司空荀組爲太尉大將軍劉琨爲司空進
封代公猗盧爲代王元和郡縣圖志十四日劉琨表封猗盧爲代王都平城懷帝紀永嘉六年
一日新城一名平城卽猗盧所都案懷帝紀永嘉六年
劉琨表猗盧爲代公至是建興三年進封代王先後僅
四年而魏書序紀猗盧三年封代公八年進代王先後
凡六年紀載互異必有一誤又案紀於是年書封猗盧
爲代王次年卽書猗盧薨與魏書序紀猗盧八年進代
王九年崩正合是誤在封代公之年魏書誤早二年耳
荊州刺史陶侃破王眞於巴陵杜弢別將杜弘張彥與
臨川內史謝摛戰于海昏摛敗績死之三月豫章內史

周訪擊杜弘走之斬張彥於陳

晉書校文一日據訪傳斬張彥在先擊杜弘在

後然皆為尋陽太守時事其守豫章則在是役後

夏四月大赦五月劉聰寇并

州六月盜發漢霸杜二陵及薄太后陵

文選休沐重還道中詩注關中

記曰霸陵文帝陵也上有池有四出道以寫水史記高

祖本紀正義括地志曰杜陵故城在雍州萬年縣東南

十五里漢杜陵縣宣帝陵邑也北去宣帝陵五里廟記

云故杜伯國又外戚世家正義括地志曰南陵故縣在

雍州萬年縣東南二十四里漢南陵縣本薄太后陵邑

陵在東北去縣六里寰宇記二十五日薄后陵在萬年

縣東南白

太后面如生得金玉綵帛不可勝記時以朝

廷草創服章多闕勅收其餘以實內府丁卯地震

案五

作長安地震此脫二字

辛巳大赦勅雍州掩骼埋胔修復陵墓有

犯者誅及三族秋七月石勒陷濮陽害太守韓弘劉聰

寇上黨劉琨遣將救之

元和郡縣圖志十五曰黃阜山在潞城縣西北二十五里劉聰

將綦毋則敗晉將崔恕於黃阜案地理志潞縣屬上黨郡即唐之潞城黃阜之戰當在此時

八月癸

亥戰于襄垣王師敗績荊州刺史陶侃攻杜弼弼敗走

道死湘州平九月劉曜寇北地命領軍將軍麴允討之

冬十月允進攻青白城

允本傳亦作青白城案當從劉聰載記作黃白城詳載記注

以豫州牧征東將軍索綝為尚書僕射都督宮城諸軍

事

讀史舉正曰案綝傳無為豫州牧事

劉聰陷馮翊太守梁肅奔萬年十

二月涼州刺史張寔送皇帝行璽一紐盜殺安定太守

趙班

四年春三月代王猗盧薨

晉書校文一日猗盧為子六脩所弑沒其實曰薨魏書不

諱此反諱
之何也

其眾歸于劉琨夏四月丁丑劉曜寇上郡太

守藉韋率其眾奔于南鄭涼州刺史張寔遣步騎五千

來赴京都石勒陷廩丘北中郎將劉寅出奔

案當從本
傳作劉演

五月平夷太守雷炤害南廣太守孟桓帥二郡三千餘

家叛降于李雄六月丁巳朔日有蝕之大蝗秋七月劉

曜攻北地麴允帥步騎三萬救之王師不戰而潰北地

太守麴昌奔于京師曜進至涇陽渭北諸城悉潰建威

將軍魯充散騎常侍梁緯少府皇甫陽等皆死之八月

劉曜逼京師內外斷絕

書鈔一百三十九謝靈運晉書
建興四年劉曜權帥羣狄逼

於京師內外斷絕軍不通文選勅進表注何法盛晉書
胡錄建興四年劉載使劉曜寇長安御覽一百七十六

趙書曰趙染襲長安秦王業鎮西將軍焦嵩平東將軍
奔射雁樓格戰至天明不拔

宋哲始平太守竺恢等同赴國難麴允與公卿守長安

小城以自固

周家祿校勘記曰始平一作新平按麴允傳新平太守竺恢與始平太守楊豫並列

一時不得有兩始平太守宜作新平爲是散騎常侍華輯監京兆馮翊弘農

上洛四郡兵東屯霸上鎮軍將軍胡崧帥城西諸郡兵

屯遮馬橋並不敢進冬十月京師饑甚

初學記二十六引徐廣晉志作

京師糧盡米斗金二兩人相食死者太半太倉有麴數十甔

麴允屑爲粥以供帝至是復盡帝泣謂允曰今窘厄如

此外無救援死于社稷是朕事也然念將士暴離斯酷

今欲聞城未陷爲羞死之事庶令黎元免屠爛之苦行矣

遣書朕意決矣十一月乙未使侍中宋敞送牋于曜

通鑑

晉紀作宗敞考異曰從晉春秋帝乘羊車因祖衙壁輿櫬出降羣臣號

泣攀車執帝之手帝亦悲不自勝御史中丞吉朗自殺

曜焚櫬受壁使宋敞奉帝還宮初有童謠曰天子何在

豆田中時王浚在幽州以豆有藿殺隱士霍原以應之

及帝如曜營營實在城東豆田壁辛丑帝蒙塵于平陽

文選勸進表注晉紀總論注均引于寶晉愍紀曰麴允

賊入掠京都劉粲寇於城下天子蒙塵於平陽

及羣官並從劉聰假帝光祿大夫懷安侯

御覽四百十八引許肅別

傳作以帝王寅聰臨殿帝稽首于前麴允伏地慟哭因

為歸漢王

自殺尚書辛賓梁允侍中梁濬

讀史舉正曰賓乃尚書郎案御覽一百十九引

十六國春秋前趙錄散騎常侍嚴敦左丞相臧振讀史舉正

作司徒梁汾與紀異是時元帝為左丞相不得有二疑相字衍黃門侍郎

周家祿校勘記日相衍文蓋尚書左丞也

任播張偉杜曼及諸郡守並為曜所害華輯奔南山石

勒圍樂平司空劉琨遣兵援之為勒所敗樂平太守韓

璩出奔司空長史李弘以并州叛降于勒十二月甲申

朔日有蝕之己未劉琨奔薊依段匹磾案天文志亦作甲申朔惟甲申

為朔日則是月不得有己未通鑑晉紀

考異云宋志作乙卯朔與長曆合是也

五年春正月帝在平陽庚子虹霓彌天三日並照天文志中

同御覽四晉陽秋日建武元年三日並出案元帝改元

建武即孝愍建興五年也天文志又引陳卓日當有大

慶天下其三分平三月平東將軍宋哲奔江左李雄使

面江東改元為建武

其將李恭羅寅寇巴東

案華陽國志二有雄陰平太守羅寅當為演之譌二月

劉聰使其將劉暢攻滎陽太守李矩擊破之三月琅邪

王睿承制改元稱晉王于建康夏五月景子日有蝕之

秋七月大旱司冀青雍等四州蝨蝗石勒亦競取百姓

禾時人謂之胡蝗

類聚一百晉陽秋曰司冀青雍蝗茅草皆盡石勒與蝗競取民禾寰宇記

六十三晉陽秋曰石勒與蝗競取民禾河北百姓謂之胡蝗

八月劉聰使趙固襲衛

將軍華薈于定潁遂害之

晉書校文一日據薈傳定潁當作臨潁薈官河南尹不言

衛將軍疑傳略也

冬十月景子日有蝕之

天文志作十一月景

子通鑑晉紀考異曰按長厯十月十二月皆己卯朔十

一月己酉朔二十八日丙子案如考異說本紀誤以十
十月為劉聰出獵令帝行車騎將軍戎服執戟為導百

姓聚而觀之

御覽三百五十二前趙錄曰觀者指曰此故長安天子

故老或歔歔

流涕聰聞而惡之聰後因大會使帝行酒洗爵反而更

衣又使帝執蓋晉臣在坐者多失聲而泣

御覽一百一十九引十六國

春秋前趙錄作多有涕泣或有失聲者

尚書郎辛賓抱帝慟哭為聰所害

案上文四年十一月尚書辛賓梁允等及諸郡守並為

暉所害此又言辛賓為聰所害疑辛賓實於上年被害

此條辛賓二字或是許肅之諡杭世駿諸史然疑則十謂四年紀誤行辛賓二字賓實死於五年未知孰是

二月戊戌帝遇弒崩于平陽

御覽四百一十八引許肅別傳曰肅為愍帝侍中左衛

將軍麴武艦作將與肅齊心拒守而外救已退城遂陷

沒幽逼愍帝送於平陽肅後冒難侍左右劉載乃以帝

為歸漢王頃之陰行鳩毒帝因食心悶欲見許侍中肅

馳詣賊相見帝已不復能語肅曰不審陛下尚識臣不

帝猶能執肅手流涕肅歔歔登牀帝遂殂於扶抱之中

晝夜號泣哀感異類載外欲明己不害乃明責諸臣欲

蓋誅之羣臣逆竄惟肅獨曰備位故臣願乞得殞殮然後就戮載特聽許事訖詰載曰國亂不能匡君亡弗能死舉目莫非愧恥將何顏以存所以忍辱正以山陵未畢故耳微情已敘甘就刑戮賊共義之日此晉之忠臣宜加甄賞載遂從議故得全免案晉書不為許肅立傳何以勸事君者此史臣之失也如謂肅未從死則韋忠劉敏元均仕劉氏何時年十八帝之繼皇統也屬永嘉以列於忠義傳耶

之亂天下崩離長安城中戶不盈百

案書鈔一百三十九引謝靈運晉書

作戶不盈百萬本書盈百似言之太

少謝書百萬則又過多疑有誤字

林朝廷無車馬章服唯桑版署號而已眾唯一旅公私

有車四乘

書鈔一百三十九謝靈運晉書日季年亡一旅公私有四乘

器械多闕運

饋不繼巨猾滔天帝京危急諸侯無釋位之志征鎮闕

勤王之舉故君臣窘迫以至殺辱云

書鈔一百三十九謝靈運晉書日遂

乃君臣窘迫
幽辱凶醜

史臣曰昔炎暉杪暮英雄多假于宗室金德韜華顛沛
共推于懷愍樊陽寂寥兵車靡會豈力不足而情有餘
乎喋喋遺萌苟存其主譬彼詩人愛其棠樹夫有非常
之事而無非常之功詳觀發迹用非天啟是以輿棺齒
劍可得而言焉于是五嶽三塗並皆淪寇龍州牛首故
以立君股肱非挑戰之秋劉石有滔天之勢療飢中斷
嬰戈外絕兩京淪狄再駕徂戎周王隕首於驪峰衛公
亡肝於淇上思爲一郡其可得乎干寶有言曰案此史臣引干
令升晉紀文選昔高祖宣皇帝以雄才碩量應時而仕晉紀

總論語

總論應時
作應運

值魏太祖創基之初籌畫軍國嘉謀屢中遂

服輿軫驅馳三世性深阻有若城府而能寬綽以容納

行任數以御物而知人善采拔故賢愚咸懷大小畢力

爾乃取鄧艾于農瑱

瑱文選晉紀總論作隙孫志祖文選考異曰瑱小人也鄧艾爲典農

綱紀上計吏宣王
奇之辟爲掾故云

引州泰于行役委以文武各善其事

故能西禽孟達東舉公孫內夷曹爽外襲王淩

文選晉紀總論

誤作

神略獨斷征伐四克維御羣后大權在己于是百

姓與能大象始構世宗承基太祖繼業立豐亂內欽誕

寇外潛謀雖密而在機必兆淮浦再援而許洛不震咸

黜異圖用融前烈然後推轂鍾鄧長驅庸蜀三關電掃

而劉禪入臣天符人事於是信矣始當非常之禮終受
備物之錫至于世祖遂享皇極仁以厚下儉以足用和
而不弛寬而能斷故民詠維新四海悅勸矣聿修祖宗
之志思輯戰國之苦腹心不同公卿異議而獨納羊祜
之策杖王杜之決役不二時江湘來同

類聚十一引晉紀總論作江湖

掩唐虞之舊域班正朔於八荒天下書同文車同軌牛

馬被野餘糧委畝

文選晉紀總論委畝作捐畝

故于時有天下

元無下字

無窮人之諺雖太平未洽亦足以明吏奉其法民樂其
生矣武皇既崩山陵未乾而楊駿被誅母后廢黜尋以
二公楚王之變宗子無維城之助師尹無具瞻之貴至

乃易天子以太上之號而有免官之議民不見德惟亂

是聞朝爲伊周夕成桀蹠善惡陷於成敗毀譽齊於世

利文選晉紀總論
世利作勢利內外混淆庶官失才名實反錯天綱

一作解紐國政迭移於亂人禁兵外散於四方方岳無

鈞石之鎮關門無結草之固李辰石冰傾之於荆楊元

海王彌撓之於青冀戎羯稱制二帝失尊何哉樹立失

權託付非才四維不張而苟且之政多也夫作法於治

其弊猶亂作法於亂誰能救之彼元海者離石之將兵

都尉王彌者青州之散吏也蓋皆弓馬之士驅走之人

非有吳先主諸葛孔明之能也新起之寇烏合之衆非

吳蜀之敵也脫耒爲兵裂裳爲旗非戰國之器也自下
逆上非鄰國之勢也然而擾天下如驅羣羊舉二都如
拾遺芥將相王侯連頸以受戮后嬪妃主虜辱於戎卒
豈不哀哉天下大器也羣生重畜也愛惡相攻利害相
奪其勢常也若積水于防燎火于原未嘗暫靜也器大
者不可以小道治勢重者不可以爭競擾文選晉紀總
論勢重作勢
動古先哲王知其然也是以扞其大患禦其大灾百姓
皆知上德之生已而不謂浚已以生也是以感而應之
悅而歸之如晨風之鬱北林龍魚之趣藪澤也文選晉
紀總論
類聚十一藪然後設禮文以理之斷刑罰以威之謹好
澤均作淵澤

惡以示之審禍福以喻之求明察以官之尊慈愛以固
之故眾知向方皆樂其生而哀其死悅其教而安其俗
君子勤禮小人盡力廉恥篤於家閭邪辟消於胸懷故
其民有見危以授命而不求生以害義又況可奮臂大
呼聚之以干紀作亂乎基廣則難傾根深則難拔理節
則不亂膠結則不遷是以昔之有天下者之所以長久
也夫豈無僻主賴道德典刑以維持之也昔周之興也
后稷生於姜嫄而天命昭顯文武之功起於后稷至於
公劉遭夏人之亂

文選晉紀總論
夏人作狄人

去邠之幽身服厥勞

至於太王爲戎翟所逼而不忍百姓之命杖策而去之

故從之如歸市一年成邑二年成都三年五倍其初至
于王季能貍其德音至于文王而維新其命由此觀之
周家世積忠厚仁及草木內隆九族

文選晉紀總論外
內隆作內睦

尊事黃耆以成其福祿者也而其妃后躬行四教尊敬
師傅服澣濯之衣修煩辱之事化天下以成婦道是以
漢濱之女守絜白之志中林之士有純一之德始於憂
勤終於逸樂以三聖之知伐獨夫之紂猶正其名教日
逆取順守及周公遭變陳后稷先公風化之所由致王
業之艱難者皆農夫女工衣食之事也故自后稷之始
基靖民十五王而文始平之十六王而武始居之十八

王而康克安之故其積基樹本經緯禮俗節理人情恤
隱民事如此之纏綿也今晉之興也功烈於百王事捷
於三代宣景遭多難之時誅庶孽以便事文選晉紀總論庶孽作庶
築不及修公劉太王之仁也受遺輔政屢遇廢置故齊
王不明不獲思庸於毫高貴沖人不得復子明辟也二
祖逼禪代之期不暇待參分八百之會也是其創基立
本異於先代者也加以朝寡純德之人鄉乏不貳之老
風俗淫僻恥尙失所類聚十一引恥尙作趣向學者以老莊爲宗而
黜六經談者以虛蕩爲辨而賤名檢文選晉紀總論類聚十一虛蕩均作
虛薄文選名檢作名儉文選注劉謙晉紀應行身者以
瞻表曰元康以來以儒術清儉爲羣俗儻

放濁爲通而狹節信進仕者以苟得爲貴而鄙居正當
官者以望空爲高而笑勤恪是以劉頌屢言治道傳咸
每糾邪正皆謂之俗吏其倚杖虛曠依阿無心者皆名
重海內若夫文王日旰不暇食

文選晉紀總論類聚
十一日旰作日具仲

山甫夙夜匪懈者蓋共嗤黜以爲灰塵矣

文選晉紀總
論作蓋其嗤

點以爲灰塵而相詬病矣由是毀譽亂于善惡之實情慝奔于貨欲

之塗選者爲人擇官官者爲身擇利而執鈞當軸之士

文選晉紀總論
執鈞作秉鈞身兼官以十數大極其尊小錄其要而

世族貴戚之子弟陵邁超越不拘資次悠悠風塵皆奔
競之士列官千百無讓賢之舉子眞著崇讓而莫之省

子雅制九班而不得用其婦女莊櫛織紵皆取成於婢
僕未嘗知女工絲枲之業中饋酒食之事也先時而婚
任情而動故皆不恥淫佚之過不拘妬忌之惡父兄不
之罪也天下莫之非也又況責之間四教於古修貞順
於今以輔佐君子者哉禮法刑政於此大壞如水斯積
而決其隄防如火斯畜而離其薪燎也國之將亡本必
先顛其此之謂乎故觀阮籍之行而覺禮教崩弛之所
由也察庾純賈充之爭文選晉紀總論而見師尹之多
僻考平吳之功而知將帥之不讓思郭欽之謀而寤戎
狄有覺覽傅立劉毅之言而得百官之邪核傅咸之奏

錢神之論而觀寵賂之彰民風國勢如此雖以中庸之

才守文之主治之幸有必見之於祭祀季札必得之於

聲樂范燮必爲之請死賈誼必爲之痛哭又況我惠帝

以放蕩之德臨之哉

文選晉紀總論放蕩作蕩蕩誤

懷帝承亂

文選晉紀總論

承亂下有之後二字文選考異日之後二字疑因下句而衍得位羈於強臣愍帝奔

播之後徒厠其虛名天下之政旣去非命世之雄才不

能取之矣焜耀之烈未渝故大命重集於中宗元皇帝

贊日懷佩玉璽愍居黃屋鼇墜三山鯨吞九服獯入金

商穹居未央園顛盡仆方趾咸僵大夫反首徙我平陽

主憂臣哭于何不臧

晉書斠注卷五